



თანხმობა პერსონალური ინფორმაციის გაზიარებაზე

ვაცხადებ და ვადასტურებ, რომ სს „თიბისი ბანკი“ (ს/კ: 204854595) (შემდგომში „ბანკი“) უფლებამოსილია საქართველოს კანონმდებლობით დადგენილი წესებისა და პირობების შესაბამისად და, საჭიროების შემთხვევაში, სამართლებრივი ვალდებულების, ხელშეკრულების შესრულების ან/და წინამდებარე თანხმობის საფუძველზე, გადასცეს **ბანკის** მიერ ჩართულ მომსახურების მიმწოდებელ მესამე მხარეებს მათ მიერ მოთხოვნილი და ჩემს შესახებ **ბანკში** დაცული ინფორმაცია (მათ შორის, ჩემი პერსონალური მონაცემები – საიდენტიფიკაციო და საკონტაქტო ინფორმაცია, ინფორმაცია დასაქმების, შემოსავლისა და ფინანსური მდგომარეობის შესახებ და სხვა ინფორმაცია, ასევე, ჩემს სახელზე **ბანკში** გახსნილ ანგარიშ(ებ)თან დაკავშირებული ნებისმიერი ინფორმაცია), **კრიპტო-მოდულში ჩემი წვდომის გააქტიურების მიზნით (მათ შორის, პრევენციული ღონისძიებების (იდენტიფიკაცია/ვერიფიკაცია) განხორციელებისათვის, ჩემი ანგარიშის გახსნისა და მართვისათვის ან/და კრიპტო-აქტივების ყიდვა/გაყიდვის ოპერაციების შესრულებისთვის), ასევე ბანკის ან მესამე პირის ფულის გათეთრებისა და ტერორიზმის დაფინანსების წინააღმდეგ ბრძოლის (AML/CFT) და სანქციების პოლიტიკებთან შესაბამისობის, მოქმედი მარეგულირებელი მოთხოვნებისა და საქართველოს კანონმდებლობით გათვალისწინებული სხვა ნებისმიერი შემთხვევის დაცვის მიზნით, საჭირო მოცულობითა და ოდენობით.** ასევე ვადასტურებ, რომ ნებისმიერი ინფორმაცია, რომელიც მე მივანოდე ან გავუზიარე **ბანკს**, არის სწორი და ნამდვილი.

ვადასტურებ, რომ მოქმედი კანონმდებლობით დადგენილი წესითა და ფარგლებში, თუ კანონმდებლობით სხვა რამ არ არის გათვალისწინებული, მაქვს უფლება, მოითხოვო ჩემს მონაცემებზე წვდომა, მათი დაბლოკვა, შეცვლა, შესწორება, განახლება, შევსება, დამატება, გადაცემა, მონაცემთა დამუშავების შეწყვეტა ან წაშლა, იმ შემთხვევაში, თუ ჩემი მონაცემები შეგროვდა კანონმდებლობის მოთხოვნათა დარღვევით.

ამასთან, მესმის, რომ გარკვეული პერსონალური მონაცემები არ წაიშლება, არ შეიზღუდება და სხვაგვარად არ შეიცვლება ჩემი მოთხოვნის საფუძველზე, თუ მათი დამუშავება მოითხოვება კანონით, მათ შორის, **AML/CFT-ს** მიზნებისთვის, სანქციების დაცვისთვის, ფინანსური დანაშაულის პრევენციისთვის ან **ბანკისთვის** დაკისრებული ჩანაწერების შენახვის სავალდებულო ვალდებულებების შესასრულებლად.

თქვენი პერსონალური ინფორმაციის დამუშავებასთან დაკავშირებული ნებისმიერი შეკითხვისთვის დაგვიკავშირდით ელექტრონული ფოსტის შემდეგ მისამართზე: privacycommittee@tbcbank.com.ge

წინამდებარე თანხმობა ძალაშია **ბანკთან კრიპტო-მოდულის** ფარგლებში არსებული სახელშეკრულებო ურთიერთობის მოქმედების ვადით, ხოლო შემდგომ - მოქმედი კანონმდებლობით განსაზღვრული ვადის განმავლობაში, მათ შორის, მონაცემთა შენახვის ვალდებულებისათვის დადგენილი ვადით.



კრიპტო მოდულის წესები და პირობები

სს „თიბისი ბანკი“

წინამდებარე წესები და პირობები („პირობები“ ან წინამდებარე „ხელშეკრულება“) არეგულირებს თქვენს წვდომას და კრიპტო-ვალუტასთან დაკავშირებული იმ მომსახურებების გამოყენებას, რომლებიც ხელმისაწვდომია სს „თიბისი ბანკის“ (საიდენტიფიკაციო ნომერი: 204854595) მობილური საბანკო აპლიკაციის მეშვეობით, ინტეგრირებული კრიპტო-მოდულის („კრიპტო-მოდული“) საშუალებით.

ეს პირობები წარმოადგენს იურიდიულად სავალდებულო შეთანხმებას თქვენს, როგორც ინდივიდუალური მომხმარებელს („თქვენ“, „თქვენი“ ან „კლიენტი“) და ბანკს შორის, რომელიც არეგულირებს კრიპტო-მოდულის მეშვეობით ხელმისაწვდომი კრიპტო-მომსახურებების გამოყენებას.

მობილური ბანკის ფარგლებში კრიპტო-მოდულზე წვდომით ან მისი გამოყენებით, კრიპტო-ანგარიშის შექმნით ან გამოყენებით, ან თქვენი თანხმობის გამოხატვით შესაბამისი აპლიკაციის შიგნით არსებული დადასტურების, ამომხტარი ფანჯრის (Pop-Up) ან მოსანიშნი გრაფის (Checkbox) მეშვეობით, თქვენ ადასტურებთ, რომ გაეცანით, გესმით და დაეთანხმეთ, რომ თქვენთვის სავალდებულოა: ეს პირობები და ნებისმიერი სხვა პოლიტიკა ან გამჟღავნება, რომელიც მითითებულია აქ, რადგან თითოეული მათგანი შეიძლება დროდადრო შეიცვალოს. **თუ ამ პირობებს არ ეთანხმებით, არ უნდა შეხვიდეთ ან გამოიყენოთ კრიპტო-მოდული ან კრიპტო-მომსახურებები.**

გარკვეულ მომსახურებებზე, ფუნქციებსა თუ ფუნქციონალებზე შეიძლება ვრცელდებოდეს დამატებითი პირობები, წესები ან გამჟღავნებები. საჭიროების შემთხვევაში, ასეთი დამატებითი პირობები წარმოადგენს წინამდებარე ხელშეკრულების განუყოფელ ნაწილს და ვრცელდება თქვენ მიერ შესაბამისი მომსახურებების გამოყენებაზე.

სამართლებრივი შეტყობინება:

მობილური ბანკის ან კრიპტო-მოდულის მეშვეობით ხელმისაწვდომი ინფორმაცია ან მასალები არ უნდა განიხილებოდეს, როგორც რეკომენდაცია, მხარდაჭერა, შეთავაზება, მოწვევა ან მოწოდება, რათა დადოთ გარიგება, შეიძინოთ პროდუქტი ან სხვაგვარად მოახდინოთ გარიგება ციფრულ აქტივებთან ან სხვა პროდუქტებთან დაკავშირებით. თქვენ აცნობიერებთ, რომ არც ბანკი და არც რომელიმე ინფორმაციის პროვაიდერი არ გთავაზობთ პერსონალიზებულ რჩევას ნებისმიერი ციფრული აქტივის, პორტფელის, ტრანზაქციის, საინვესტიციო სტრატეგიის ან სხვა საკითხის ხასიათთან, ღირებულებასთან, შესაფერისობასთან ან პოტენციურ შესრულებასთან დაკავშირებით. სავაჭრო და ტრანზაქციებთან დაკავშირებული ყველა გადაწყვეტილება მიიღება მხოლოდ თქვენ მიერ და თქვენ სრულად ხართ პასუხისმგებელი ნებისმიერი ციფრული აქტივის ან ტრანზაქციის შესაფერისობის შეფასებაზე თქვენი პირადი ფინანსური



მდგომარეობის, საინვესტიციო მიზნებისა და რისკის ტოლერანტობის გათვალისწინებით.

ნებისმიერი მოწოდებული ინფორმაცია მხოლოდ ზოგადი ხასიათისაა და არ არის მორგებული თქვენს ინდივიდუალურ საინვესტიციო მიზნებზე, ფინანსურ გარემოებებსა თუ საჭიროებებზე. ციფრულ აქტივებში ინვესტირება მნიშვნელოვან რისკებს მოიცავს და კონკრეტულ ციფრულ აქტივებთან დაკავშირებულმა ნებისმიერმა განხილვამ ან მასალამ, შესაძლოა, არ აღწეროს ყველა შესაბამისი რისკის ფაქტორი. საბაზრო პირობები და ინფორმაცია შეიძლება სწრაფად შეიცვალოს, ხოლო კრიპტო-მოდულის, მობილური ბანკის ან მესამე პირის წყაროების მეშვეობით ხელმისაწვდომი კონტენტი შეიძლება იყოს არასრული, მოძველებული ან ჩანაცვლებული ნებისმიერ დროს; კრიპტო-მოდულის, მობილური ბანკის ან მესამე მხარის წყაროების მეშვეობით ხელმისაწვდომი ინფორმაცია, მონაცემები, ფასები და კონტენტი ზუსტი, სრული და განახლებულია მათი ხელმისაწვდომობის დროს, ბანკი არ იძლევა გარანტიას, რომ ასეთი ინფორმაცია ყოველთვის იქნება აქტუალური, სრული ან შეცდომებისგან თავისუფალი. შინაარსი შეიძლება გახდეს არასრული, მოძველებული ან ჩანაცვლოს სხვა შინაარსმა შეტყობინების გარეშე. თქვენ აცნობიერებთ და ეთანხმებით, რომ ამ ინფორმაციაზე დაყრდნობით რისკს თავად იღებთ საკუთარ თავზე.



განცხადება რისკებთან დაკავშირებით

ზოგადი რისკის გაცნობიერება

- **კრიპტო-მოდულის** გააქტიურებით ან/და გამოყენებით, თქვენ აცხადებთ და იძლევიტ გარანტიას, რომ სრულად გესმით და ეთანხმებით ყველა რისკს, რომელიც დაკავშირებულია **ციფრულ აქტივებთან** და **კრიპტო-მოდულის** მეშვეობით განხორციელებულ ტრანზაქციებთან.
- თქვენ გესმით, რომ **კრიპტო-მოდული** განკუთვნილია მხოლოდ ტრანზაქციის არხისთვის, რათა შეიძინოთ და გაყიდოთ მხარდაჭერილი **ციფრული აქტივები** **მობილური ბანკის** მეშვეობით და რომ **კრიპტო-მოდულს** იყენებთ მთლიანად თქვენი შეხედულებისამებრ და საკუთარი რისკით.
- **რისკების გამჟღავნების ეს დებულება არ არის ამომწურავი და არ აღწერს ყველა იმ რისკს, რომელიც შეიძლება წარმოიშვას ახლა ან მომავალში.** თქვენ ყურადღებით უნდა შეაფასოთ, არის თუ არა **კრიპტო-მოდულის** გამოყენება შესაფერისი თქვენი ფინანსური რესურსების, მიზნების, რისკის ტოლერანტობისა და გამოცდილების გათვალისწინებით.
- ჩვენ არ გთავაზობთ ინვესტიციებთან დაკავშირებულ რჩევებს, პორტფელის მართვას, რეკომენდაციებსა თუ რაიმე მოსაზრებას ციფრული აქტივის, ტრანზაქციის ან სტრატეგიის უპირატესობებთან, შესაფერისობასა თუ მოსალოდნელ ეფექტურობასთან დაკავშირებით. **ციფრული აქტივების** შექმნის ან გაყიდვის ნებისმიერი გადაწყვეტილება მხოლოდ თქვენი პასუხისმგებლობაა.

ზარალის, ვოლათიურობისა და ბაზრის რყევების რისკი

- **ციფრული აქტივები** მაღალი ვოლათიურობით ხასიათდება. მათი ფასი შეიძლება მნიშვნელოვნად შეიცვალოს მოკლე დროში (მათ შორის, რამდენიმე წუთში ან წამში) და შეიძლება სწრაფად და გაუთვალისწინებლად გაიზარდოს ან შემცირდეს.
- **ციფრული აქტივების** ღირებულება შეიძლება ნულამდე დაეცეს ან არსებითად შემცირდეს, მათ შორის, საბაზრო მოვლენების, მოთხოვნის ნაკლებობის, ტექნოლოგიური ცვლილებების, თაღლითობის, მომსახურების მიმწოდებლების გადახდისუნარობის ან მარეგულირებელი შეზღუდვების გამო.
- **ციფრული აქტივების** ბაზრები შეიძლება იყოს არალიკვიდური. გარკვეულ საბაზრო პირობებში შეიძლება რთული ან შეუძლებელი იყოს **ციფრული აქტივების** გაყიდვა, ან მათი გაყიდვა სასურველ ფასად, სასურველ ვადებში.
- წარსული შედეგები ან ფასების ისტორიული ტენდენციები არ არის მომავალი შედეგების მაჩვენებელი.



ტრანზაქციის მოდელი, კოტირებები და ფასების რისკი

- **კრიპტო-მოდული** აჩვენებს მხარდაჭერილი **ციფრული აქტივების** ყიდვა-გაყიდვის საორიენტაციო ფასებს („**კოტირებები**“). **კოტირება** ასახავს იმ ფასს, რომელიც ხელმისაწვდომია **კრიპტო-მოდულის** მეშვეობით მითითებული პერიოდისთვის და შეიძლება განსხვავდებოდეს იმ ფასებისგან, რომლებიც ხელმისაწვდომია ბირჟებზე, სხვა სავაჭრო პლატფორმებზე ან სხვა მომსახურების პროვაიდერების მეშვეობით.
- **კრიპტო-მოდულში** ნაჩვენები **კოტირებები** არ ნიშნავს იმას, რომ **ბანკი** გთავაზობთ საუკეთესო ხელმისაწვდომ ფასს ბაზარზე. **კოტირება** არის ფიქსირებული ფასი, რომელიც ხელმისაწვდომია **კრიპტო-მოდულის** მეშვეობით შესაბამისი პერიოდისთვის, რომლის მიღებაც ან უარყოფაც შეგიძლიათ.
- ერთი და იმავე **ციფრული აქტივის** ყიდვისა და გაყიდვის ფასები შეიძლება განსხვავდებოდეს ნებისმიერ დროს (მათ შორის, სპრედის, საკომისიოებისა თუ საბაზრო პირობების გამო).
- **ბანკი** არ იძლევა იმის გარანტიას, რომ რომელიმე **კოტირება** ხელმისაწვდომი დარჩება შესრულებამდე და თქვენ აცნობიერებთ, რომ შესრულება შეიძლება უარყოფილი, გადადებული, ნაწილობრივ შესრულებული ან საერთოდ შეუსრულებელი იყოს **წესების** შესაბამისად.
- თქვენ გესმით, რომ ნაჩვენები ფასები შეიძლება დაყოვნდეს ან ზემოქმედება განიცადოს ტექნიკური შეზღუდვების, შეფერხებების ან მესამე პირის მომსახურების შეფერხებების გამო და, შესაბამისად, შეიძლება არ ასახავდეს რეალურ დროში არსებულ საბაზრო ღირებულებას.
- **ბანკის** მიერ წარმოებული ჩანაწერები და, საჭიროების შემთხვევაში, შესაბამისი ბლოკჩეინის ან ანგარიშსწორების ჩანაწერები უპირატესია **კრიპტო-მოდულის** მეშვეობით გენერირებულ ნებისმიერ ეკრანზე გამოტანილ გამოსახულებაზე, შეტყობინებაზე ან ამონაწერზე. ეკრანზე წარმოდგენილი უზუსტობები გავლენას არ მოახდენს შესრულებული ტრანზაქციის სამართლებრივ ვალიდურობასა თუ საბოლოო სტატუსზე.

ციფრული აქტივების ტრანზაქციების შეუქცევადობა

- **ციფრულ აქტივებთან** დაკავშირებული ტრანზაქციები შეიძლება შეუქცევადი იყოს. შესყიდვის ან გაყიდვის ტრანზაქციის შესრულების შემდეგ, მისი გაუქმება ან შეცვლა შეიძლება შეუძლებელი იყოს, გარდა იმ შემთხვევებისა, როცა ამას მოითხოვს მოქმედი კანონი ან **წესებში** მითითებული შეზღუდული შემთხვევები (მათ შორის, სისტემის აშკარა შეცდომა ან გარიგების არასწორი სცენარები).
- თქვენ აცნობიერებთ, რომ შეცდომით, უნებართვოდ ან თაღლითურად შესრულებულმა ტრანზაქციებმა, შესაძლოა, გამოიწვიოს ზარალი, რომლის ანაზღაურებაც რთული ან შეუძლებელი იქნება.



დეპოზიტის დაცვის არარსებობა

- **ციფრული აქტივები** არ არის გადახდის კანონიერი საშუალება და არ არის უზრუნველყოფილი არცერთი მთავრობისა თუ ბანკის მიერ, მათ შორის, საქართველოს ეროვნული ბანკის მიერ.
- **კრიპტო-მოდულის** მეშვეობით შენახული **ციფრული აქტივები** არ არის დეპოზიტი, არ ითვლება საბანკო დეპოზიტად დეპოზიტების დაზღვევის ან დეპოზიტების გარანტიის სქემების მიზნებისთვის და, შესაძლოა, არ იყოს დაცული ინვესტორების ანაზღაურების სქემებით.

კასტოდიალის, ნომინალური მფლობელობისა და მესამე მხარის მიერ შენახვის რისკები

- თქვენ მიერ შეძენილი **ციფრული აქტივები** თქვენს საკუთრებას წარმოადგენს. ამასთან, ასეთი **ციფრული აქტივების** შენახვა და დაცვა ხორციელდება **ბანკის** მიერ, მათ შორის, მისი საკუთარი ინფრასტრუქტურის ან/და **ბანკის** მიერ ჩართული მესამე პირი კასტოდიალების, საფულეების ან ვირტუალური აქტივების მომსახურების პროვაიდერების მეშვეობით.
- თქვენ აცნობიერებთ, რომ კასტოდიალი მესამე მხარეების ან ინფრასტრუქტურის გამოყენებამ, შესაძლოა, გამოიწვიოს დამატებითი რისკები, მათ შორის, ოპერაციული შეფერხება, კიბერუსაფრთხოების ინციდენტები, მომსახურების მიმწოდებლების გადახდისუუნარობა ან **ციფრულ აქტივებზე** წვდომის შეფერხება.
- თქვენ აცნობიერებთ, რომ **ციფრული აქტივები** შეიძლება აღირიცხოს **ბანკის** მიერ ნომინალური მფლობელობაში ოპერაციული მიზნებისთვის, თუმცა ისინი თქვენი საკუთრება რჩება წინამდებარე **პირობების** შესაბამისად.

ბლოკჩეინის მოვლენები, ფორკები (Forks) და პროტოკოლის ცვლილებები

- **ციფრული აქტივები** მუშაობს განაწილებული რეესტრის ტექნოლოგიებზე, რომლებიც შეიძლება დაექვემდებაროს ცვლილებებს, მოვლენებს ან შეფერხებებს **ბანკის** კონტროლის მიღმა, მათ შორის, ჰარდ-ფორკები (hard forks), სოფტ-ფორკები (soft forks), პროტოკოლის განახლებები, ქსელის გაყოფები, რედენომინაციები, ეარდროპები ან მსგავსი მოვლენები („**ბლოკჩეინის მოვლენები**“).
- **ბანკი** არ არის ვალდებული, მხარი დაუჭიროს, ხელი შეუწყოს, დააკრედიტოს, განათავსოს ან სხვაგვარად აღიაროს ნებისმიერი **ციფრული აქტივი**, განშტოებული აქტივი, წარმოებული აქტივი ან უფლება, რომელიც წარმოიშობა **ბლოკჩეინის მოვლენის** შედეგად. **ბლოკჩეინის მოვლენის** დამუშავება, მათ შორის, მხარდაჭერილია თუ არა ის **კრიპტო-მოდულში** და როგორ ხდება ეს, განისაზღვრება **ბანკის** მიერ თავისი შეხედულებისამებრ, საოპერაციო, სამართლებრივი, მარეგულირებელი, რისკების მართვისა და მესამე მხარის შეზღუდვების გათვალისწინებით.



- თქვენ აცნობიერებთ, რომ **ბლოკჩეინის მოვლენებმა**, შესაძლოა, გამოიწვიოს ღირებულების დაკარგვა, ლიკვიდურობის შემცირება, დაყოვნება, ტრანზაქციების შეჩერება ან დაზარალებული **ციფრული აქტივების** მუდმივი მიუწვდომლობა, და რომ **ბანკი** არ იქნება პასუხისმგებელი ამ მოვლენებთან დაკავშირებით წარმოშობილ ზარალზე.

საოპერაციო და ტექნოლოგიური რისკები

- **კრიპტო-მოდული** ეყრდნობა კომპლექსურ სისტემებს, პროგრამულ უზრუნველყოფას, აპარატურას, საკომუნიკაციო ქსელებსა და მესამე მხარის ინფრასტრუქტურას. შესაძლოა, მოხდეს ტექნიკური შეფერხებები, მათ შორის, გათიშვები, შეფერხებები, სისტემური შეცდომები, ტექნიკური შეჩერებები და შეფერხებები.
- შესაძლოა, ვერ შეძლოთ **კრიპტო-მოდულზე** წვდომა ან ტრანზაქციების შესრულება თქვენი მონაცემების, ოპერაციული სისტემის, **მობილური ბანკის** აპლიკაციის, ინტერნეტთან კავშირის, მობილური ქსელის ან მესამე მხარის მომსახურებების შეფერხების გამო.
- სისტემის პრობლემებმა, შესაძლოა, გამოიწვიოს შესრულების შეფერხება, ნაშთების არასწორი ჩვენება, დავალების განთავსების შეუძლებლობა, დამუშავების შეფერხება ან სხვა შეფერხებები.
- **ბანკი** არ იძლევა **კრიპტო-მოდულის** შეუფერხებელი, დროული, უსაფრთხო ან შეცდომის გარეშე მუშაობის გარანტიას და უარს ამბობს პასუხისმგებლობაზე მოქმედი კანონმდებლობით დაშვებულ მაქსიმალურ ფარგლებში.

კიბერუსაფრთხოება, თაღლითობა და უნებართვო წვდომის რისკები

- **ციფრული აქტივები** ექვემდებარება კიბერუსაფრთხოების გაზრდილ რისკებს, მათ შორის, ჰაკერულ თავდასხმებს, მავნე პროგრამულ უზრუნველყოფას, ფიშინგს, პირადი მონაცემების მოპარვას, SIM-ბარათის შეცვლას, სოციალურ ინჟინერიას, უნებართვო წვდომასა და თაღლითობის სხვა მცდელობებს.
- თქვენ ხართ პასუხისმგებელი თქვენი **მობილური ბანკის** წვდომის მონაცემების, მონაცემების უსაფრთხოების, პაროლების კონფიდენციალურობისა და ნებისმიერი ავტორიზაციის საშუალების დაცვაზე.
- **ბანკი** იყენებს დარგობრივ სტანდარტულ ავტორიზაციისა და უსაფრთხოების ზომებს, მათ შორის, ბიომეტრიულ ავტორიზაციასა და ერთჯერად პაროლებს (OTP), **მობილური ბანკისა** და **კრიპტო-მოდულის** წვდომის დასაცავად, თუმცა აღიარებს, რომ გამონაკლის შემთხვევებში შესაძლოა არსებობდეს უსაფრთხოების ნარჩენი რისკები.
- უნებართვო წვდომამ, შესაძლოა, გამოიწვიოს **ციფრული აქტივების** ან/და თანხების დაკარგვა, ხოლო აღდგენა, შესაძლოა, რთული ან შეუძლებელი იყოს.



ფუნქციონირების შეზღუდვები და გადარიცხვების აკრძალვა

- თქვენ აცნობიერებთ, რომ **კრიპტო-მოდული** მხოლოდ ყიდვა-გაყიდვის ტრანზაქციებს უზრუნველყოფს. **ციფრული აქტივების** გარე საფულებზე ან მესამე პირებზე გადაცემა (მათ შორის, თანხის გატანა ან გარე გადარიცხვა) შეუძლებელია.

მხარდაჭერილი აქტივები, სიიდან ამოღება და იძულებითი გაყიდვის რისკი

- **ციფრული აქტივების** ყიდვა-გაყიდვა ხელმისაწვდომია მხოლოდ **მობილურ ბანკში** ნაჩვენები მხარდაჭერილი **ციფრული აქტივებისთვის**. **ბანკს** შეუძლია დაამატოს, წაშალოს, შეზღუდოს ან შეწყვიტოს მხარდაჭერა ნებისმიერი **ციფრული აქტივისთვის** ნებისმიერ დროს, მათ შორის წინასწარი შეტყობინების გარეშე, თუ სხვა რამ არ არის მოთხოვნილი მოქმედი კანონმდებლობით. აღნიშნულ სიაში ცვლილებების შეტანის წესები განსაზღვრულია ამ **პირობებით**.

მარეგულირებელი, სამართლებრივი, სანქციებისა და შესაბამისობის რისკები

- **ციფრული აქტივები** და მასთან დაკავშირებული მომსახურებები შეიძლება დაექვემდებაროს მარეგულირებელ გაურკვეველობასა და სამართლებრივი მოთხოვნების ცვლილებებს. კანონმდებლობის, რეგულაციების, სანქციების, **AML/CFT** წესების, საგადასახადო პრაქტიკის ან მარეგულირებელი ცვლილებების მოლოდინებმა, შესაძლოა, შეზღუდოს, შეაჩეროს ან აკრძალოს ვაჭრობა გარკვეულ **ციფრულ აქტივებში** ან შეზღუდოს წვდომა **კრიპტო-მოდულზე**.

დაბეგვრის რისკი და თქვენი პასუხისმგებლობა

- **ციფრული აქტივებისა** და **ციფრულ აქტივებთან** დაკავშირებული ტრანზაქციების საგადასახადო რეჟიმი შეიძლება განსხვავდებოდეს თქვენი პირადი გარემოებებიდან გამომდინარე და შეიძლება დროთა განმავლობაში შეიცვალოს. **ბანკი** არ უზრუნველყოფს საგადასახადო კონსულტაციას და არ აფასებს ან განსაზღვრავს **კრიპტო-მოდულის** მეშვეობით შესრულებული ნებისმიერი ტრანზაქციის საგადასახადო შედეგებს.
- თქვენ ხართ პასუხისმგებელი ნებისმიერი მოქმედი გადასახადის, ბაჟის ან მოსაკრებლის განსაზღვრაზე, ანგარიშგებაზე და გადახდაზე, რომელიც წარმოიშობა **ციფრული აქტივების** შეძენის, შენახვის, გადაცემის ან განკარგვის შედეგად, მოქმედი კანონმდებლობის შესაბამისად.

პასუხისმგებლობის უარყოფა:

- ჩვენ არ ვინაშნობთ, არ გირჩევთ და არ ვიძლევით გარანტიას კონკრეტული ვირტუალური აქტივის, ტრანზაქციის, პროტოკოლის ან სტრატეგიის ეფექტურობაზე. ნებისმიერი სასწავლო ან საინფორმაციო კონტენტი



განკუთვნილია მხოლოდ ზოგადი ინფორმაციის მიღებისთვის და არ წარმოადგენს რჩევას.

კონკრეტული აქტივებისთვის შეფასების არარსებობა:

- რისკების შესახებ ეს ინფორმაცია ზოგადია და არ შეიცავს რისკების შეფასებას ან ინფორმაციას თითოეულ კონკრეტულ ციფრულ აქტივთან დაკავშირებით, რომელიც ხელმისაწვდომია **კრიპტო-მოდულის** მეშვეობით. **ბანკი** არ გასცემს **ციფრულ აქტივებთან** დაკავშირებულ კონკრეტულ რჩევებს, რეკომენდაციებს, ანალიზებსა თუ შესაფერისობის შეფასებებს.

მონიტორინგისა თუ ჩარევის ვალდებულების არქონა:

- **ბანკი** არ არის ვალდებული, განახორციელოს საბაზრო მოვლენების, ფასების ცვლილებების ან თქვენთვის ნებისმიერი ციფრული აქტივის შესაბამისობის მონიტორინგი; ასევე, არ არის ვალდებული, გაგაფრთხილოთ, გირჩიოთ ან ჩაერიოს **კრიპტო-მოდულის** მეშვეობით განხორციელებულ ნებისმიერ ტრანზაქციასა თუ პოზიციასთან დაკავშირებით. ტრანზაქციის დადების, შენარჩუნების ან დასრულების შესახებ გადანყვეტილებას იღებთ მხოლოდ თქვენ.



1. განმარტებები

- 1.1. თუ სხვაგვარად არ არის განსაზღვრული ან კონტექსტიდან სხვა რამ არ გამომდინარეობს, ყველა ქვემოთ მოცემულ ტერმინს ენიჭება წინამდებარე **პირობებით** დადგენილი მნიშვნელობა:
 - 1.1.1. „**ანგარიში**“ ან „**კრიპტო-ანგარიში**“ ნიშნავს თქვენს სახელზე **ბანკში** არსებულ ტექნიკურ და აღრიცხვის ანგარიშს, რომლის მეშვეობითაც თქვენ წარადგენთ შეკვეთას **კრიპტო-მოდულის** საშუალებით, რომელიც არ წარმოადგენს საბანკო ანგარიშს, სადეპოზიტო ანგარიშს ან საგადახდო ანგარიშს და გამოიყენება მხოლოდ თქვენი **ციფრული აქტივების** მფლობელობისა და მასთან დაკავშირებული ტრანზაქციების აღრიცხვისთვის წინამდებარე **პირობების** შესაბამისად;
 - 1.1.2. „**AML/CTF და სანქციები**“ ნიშნავს **ბანკის** მოქმედ კანონებს, რეგულაციებს, შიდა პოლიტიკას, პროცედურებსა და მოთხოვნებს ფულის გათეთრებისა და ტერორიზმის დაფინანსების აღკვეთისა და სანქციებთან დაკავშირებით, რომლებიც შეიძლება დროდადრო იქნას გამოყენებული, შესწორებული ან დამატებული, მათ შორის, ნებისმიერი სავალდებულო **კლიენტზე** მიმართული პირობები, რომლებიც წინამდებარე **პირობებში** გათვალისწინებულია მითითების სახით;
 - 1.1.3. „**უფლებამოსილი პირი**“ ნიშნავს ნებისმიერ ფიზიკურ პირს, რომელიც მოქმედი კანონმდებლობისა და **ბანკის** პროცედურების შესაბამისად უფლებამოსილია თქვენი სახელით ჰქონდეს წვდომა **მობილურ ბანკში** და ისარგებლოს, და რომლის ქმედებებიც ჩაითვლება თქვენს ქმედებებად წინამდებარე **პირობების** მიზნებისთვის;
 - 1.1.4. „**ბანკი**“ გულისხმობს სს „თიბისი ბანკს“ (საიდენტიფიკაციო ნომერი: 204854595), საქართველოს კანონმდებლობის შესაბამისად დაარსებულ სააქციო საზოგადოებას, რომლის რეგისტრირებული მისამართია ვ. მარჯანიშვილის ქუჩა N°7, თბილისი, საქართველო, რომელიც **კრიპტო-მოდულის** მიზნებისათვის მოქმედებს, როგორც თქვენი **ციფრული აქტივების** ყიდვა-გაყიდვის ტრანზაქციების კონტრაჰენტი (პრინციპალი).
 - 1.1.5. „**საბანკო ანგარიში**“ ნიშნავს თქვენ მიერ **ბანკში** გახსნილ და მომსახურებად ნებისმიერ აქტიურ მიმდინარე ანგარიშს, რომელიც რეგულირდება **ბანკსა** და თქვენ შორის გაფორმებული ცალკე ხელშეკრულებ(ებ)ით. თუ თქვენ გაქვთ ერთზე მეტი აქტიური მიმდინარე ანგარიში **ბანკში**, **ბანკი** უფლებამოსილია გამოიყენოს ნებისმიერი ასეთი ანგარიში წინამდებარე პირობების მიზნებისთვის, მათ შორის, **კრიპტო-მოდულის** მეშვეობით შესრულებულ ნებისმიერ ოპერაციასთან დაკავშირებული თანხების ანგარიშსწორების, ჩამოჭრისა და ჩარიცხვისთვის.



- 1.1.6. „სამუშაო დღე“ ნიშნავს ნებისმიერ დღეს, რომელიც საქართველოს კანონმდებლობით სამუშაო დღეა, შაბათ-კვირისა და საქართველოში ნებისმიერი ოფიციალური დღესასწაულის (არასამუშაო დღეების) გამოკლებით.
- 1.1.7. „შესყიდვის დავალება“ ნიშნავს თქვენ მიერ **მობილური ბანკის კრიპტო-მოდულის** მეშვეობით წარდგენილ ინსტრუქციას **ბანკისგან** მხარდაჭერილი **ციფრული აქტივის** განსაზღვრული ოდენობის შესაძენად, **კრიპტო-მოდულში** ნაჩვენები შესაბამისი შეთავაზებული შესყიდვის ფასით, თქვენ მიერ ტრანზაქციის დადასტურების დროს. წინამდებარე **პირობები** ვრცელდება შესყიდვის **დავალების** შესრულების წესზე.
- 1.1.8. „**კლიენტი**“ ნიშნავს ნებისმიერ ფიზიკურ პირს, რომელიც რეგისტრირებულია **ბანკში მობილური ბანკით** სარგებლობისა და **კრიპტო-მოდულზე** წვდომის მიზნით, და ნებისმიერ უფლებამოსილ პირს, რომელიც მოქმედებს მათი სახელით.
- 1.1.9. „**კრიპტო-მოდული**“ ნიშნავს **მობილური ბანკის** აპლიკაციაში ინტეგრირებულ ფუნქციონალს, რომელიც საშუალებას გაძლევთ, შექმნათ და განათავსოთ ყიდვისა და გაყიდვის დავალებები მხარდაჭერილ **ციფრულ აქტივებთან** დაკავშირებით და ნახოთ ინფორმაცია თქვენი **ციფრული აქტივების** მფლობელობასა და ტრანზაქციების ისტორიასთან დაკავშირებით, თითოეულ შემთხვევაში, წინამდებარე **პირობების**, მოქმედი ლიმიტებისა და ტექნიკური ხელმისაწვდომობის გათვალისწინებით.
- 1.1.10. „**ციფრული აქტივები**“ / „**ვირტუალური აქტივები**“ ნიშნავს ღირებულების ციფრულ გამოსახულებას, რომელიც არის ურთიერთჩანაცვლებადი და არ არის უნიკალური, შესაძლებელია მისი გადაცემა ან გაყიდვა ციფრულ ფორმაში და გამოიყენება ან განკუთვნილია საინვესტიციო ან/და გადახდის მიზნებისთვის. ყოველგვარი ეჭვის თავიდან ასაცილებლად, **ვირტუალური აქტივი** არ მოიცავს ფულადი თანხების, ფასიანი ქაღალდების ან სხვა ფინანსური ინსტრუმენტების ციფრულ წარმოდგენას.
- 1.1.11. „**ფულადი სახსრები**“ (**Fiat Money**) ნიშნავს მთავრობის მიერ გამოშვებულ ვალუტას, რომელსაც მხარს უჭერს მთავრობა და რომელიც გამოშვების ქვეყანაში საკანონმდებლო დონეზე განისაზღვრება, როგორც გადახდის კანონიერი საშუალება.
- 1.1.12. „**ხელშეკრულება ფიზიკური პირის საბანკო ოპერაციების წარმოების შესახებ**“ გულისხმობს **კლიენტსა** და **ბანკს** შორის დადებულ გერენალურ ხელშეკრულებას ფიზიკური პირის საბანკო მომსახურების განვების შესახებ, რომლის ამჟამინდელი ვერსია ხელმისაწვდომია ვებგვერდზე www.tbcbank.ge, მისი პირობების შესაბამისად დროდადრო შესწორებული, დამატებული ან ჩანაცვლებული სახით.



- 1.1.13. „**სამთავრობო ორგანო**“ ნიშნავს ნებისმიერ ქვეყანას ან მთავრობას, ან ნებისმიერ პროვინციას ან შტატს, ან მათ ნებისმიერ სხვა პოლიტიკურ ქვედანაყოფს, ან ნებისმიერ სუბიექტს, ორგანოს ან ორგანიზაციას, რომელიც ახორციელებს მთავრობის აღმასრულებელ, საკანონმდებლო, სასამართლო, მარეგულირებელ ან ადმინისტრაციულ ფუნქციებს, მათ შორის, საქართველოს ეროვნულ ბანკს ან ნებისმიერ სამთავრობო ორგანოს, სააგენტოს, დეპარტამენტს, საბჭოს, კომისიას ან დაწესებულებას ან მათ ნებისმიერ პოლიტიკურ ქვედანაყოფს, ნებისმიერ სასამართლოს, ტრიბუნალს ან არბიტრაჟს და ნებისმიერ თვითრეგულირებად ორგანიზაციას.
- 1.1.14. „**მასალა**“ ნიშნავს ნებისმიერ შეთავაზების მასალას, პირობების დოკუმენტს, საბაზრო მონაცემებს, კვლევის ანგარიშს, პროდუქტის ან მომსახურების დოკუმენტაციას ან **კრიპტო-მოდულის** ან **მობილური ბანკის** მეშვეობით მოწოდებულ ნებისმიერ სხვა ინფორმაციას, რომელიც მოწოდებულია მხოლოდ საინფორმაციო მიზნებისთვის და არ წარმოადგენს რჩევას, რეკომენდაციას ან განცხადებას.
- 1.1.15. „**მობილური ბანკი**“ გულისხმობს სს „თიბისი ბანკის“ მიერ მოწოდებულ **მობილური ბანკის** აპლიკაციას;
- 1.1.16. „**დავალება**“ გულისხმობს ნებისმიერ **შესყიდვის დავალებას** ან/და **გაყიდვის დავალებას**;
- 1.1.17. „**პერსონალური ინფორმაცია**“ გულისხმობს თქვენ მიერ მოწოდებულ ინფორმაციას, რომლიდანაც შესაძლებელია თქვენი ვინაობის პირდაპირი ან არაპირდაპირი დადგენა.
- 1.1.18. „**გაყიდვის დავალება**“ გულისხმობს თქვენ მიერ **მობილური ბანკის კრიპტო-მოდულის** მეშვეობით წარდგენილ დავალებას, რომ მიყიდოთ **ბანკს** მხარდაჭერილი **ციფრული აქტივის** განსაზღვრული ოდენობა, **კრიპტო-მოდულში** ნაჩვენები გაყიდვის ფასით, რომელიც მოქმედია თქვენ მიერ ტრანზაქციის (მათ შორის, ნებისმიერი მოქმედი გადასახადის, საკომისიოს და/ან სპრედის ჩათვლით) დადასტურების დროს და რაც ექვემდებარება **ბანკის** მიერ მის მიღებასა და შესრულებას მას წინამდებარე **პირობების** შესაბამისად.
- 1.1.19. „**მომსახურება**“ გულისხმობს მომსახურებებს, რომლებსაც **ბანკი** გთავაზობთ ამ **პირობების** შესაბამისად, **კრიპტო-მოდულთან** დაკავშირებით, მათ შორის, შესყიდვისა და გაყიდვის დავალებების განთავსებისა და ტრანზაქციების შესრულების შესაძლებლობას **მობილური ბანკის** მეშვეობით.
- 1.1.20. „**სერვისის შეტყობინებები**“ არის ცალმხრივი შეტყობინებები **ბანკისგან** (რომლებიც შეიძლება მოიცავდეს უსაფრთხოებასთან დაკავშირებულ შეტყობინებებს) ტექსტური შეტყობინების ან ელფოსტის მეშვეობით და,



საჭიროების შემთხვევაში, **მობილური ბანკის** მეშვეობით push-შეტყობინებების სახით. ეს შეტყობინებები იგზავნება თქვენთან იმ ანგარიშთან დაკავშირებული გარკვეული ინფორმაციის ან მოვლენების შესახებ, რომელზეც **კლიენტს** აქვს წვდომა **მობილური ბანკის** მეშვეობით.

- 1.1.21. „**პირობები**“ გულისხმობს წინამდებარე წესებსა და პირობებს, რომლებიც არეგულირებს **კრიპტო-მოდულის** გამოყენებას, ასევე, **ბანკსა** და თქვენ შორის დადებულ **ხელშეკრულებას ფიზიკური პირის საბანკო ოპერაციების წარმოების შესახებ**, ბანკის კონფიდენციალურობის პოლიტიკას, **მობილური ბანკის** გამოყენების პირობებსა და ნებისმიერ დანართს, გრაფიკს, დამატებას ან/და სხვა დოკუმენტს, რომელიც წინამდებარე დოკუმენტში გაერთიანებულია მითითების სახით ან ხელმისაწვდომი **გახდა მობილური ბანკის** მეშვეობით, თითოეულ შემთხვევაში, შესაბამისი პირობების მიხედვით დროდადრო შესწორებული, დამატებული ან ჩანაცვლებული სახით.
- 1.1.22. „**მომსახურების მიმწოდებელი მესამე მხარე**“ ნიშნავს ნებისმიერ მესამე მხარეს, რომელიც **ბანკის** მიერ პირდაპირ ან არაპირდაპირ არის ჩართული **კრიპტო-მოდულთან** დაკავშირებული მომსახურებების უზრუნველყოფაში, მათ შორის, შეზღუდვის გარეშე, **ვირტუალური აქტივების** გაცვლა, საბროკერო მომსახურება, ლიკვიდურობის უზრუნველყოფა, ფასწარმოქმნა, შესრულება, ანგარიშსწორება, კლირინგი, კასტოდინურობა, საფულე (ცხელი ან ცივი შენახვა), გასაღების მართვა, ტრანზაქციების დამუშავება, ბლოკჩეინთან ურთიერთქმედება, შესაბამისობის შემოწმება, მონიტორინგი, ანალიტიკა, ანგარიშგება, ტექნოლოგია, ინფრასტრუქტურა, უსაფრთხოება ან სხვა ოპერაციული ან დამხმარე მომსახურებები, იმის მიუხედავად, ხდება თუ არა ამ მომსახურებების მიწოდება ცალკე ან ინტეგრირებული მომსახურების შეთანხმების ფარგლებში, იმ პირობით, რომ ასეთი **მომსახურების მიმწოდებელი მესამე მხარე** მოქმედებს მხოლოდ **ბანკის** და არა თქვენი სახელით.
- 1.1.23. „**ტრანზაქცია**“ ნიშნავს ნებისმიერ **შესყიდვის** ან **გაყიდვის დავალებას**, რომელიც განთავსებულია, შესრულებულია ან სხვაგვარად დამუშავებულია **კრიპტო-მოდულის** მეშვეობით წინამდებარე **ხელშეკრულების** ფარგლებში.
- 1.1.24. „**საფულე**“ გულისხმობს ვირტუალური (კრიპტო) აქტივების საფულეს, რომელსაც აწარმოებს **ბანკი** ან/და **ბანკის** მიერ დანიშნული **მომსახურების მიმწოდებელი მესამე მხარე კრიპტო-მოდულში ვირტუალური აქტივების** შენახვისა და დაცვის მიზნით, და რომელიც არ არის განკუთვნილი თქვენ მიერ **ვირტუალური აქტივების** გარე გადარიცხვებისა თუ გატანის მხარდასაჭერად ან შესაძლებლობის მისაცემად, გარდა წინამდებარე **პირობებით** პირდაპირ გათვალისწინებული შემთხვევებისა.



- 1.2. თუ კონტექსტიდან სხვა რამ არ გამომდინარეობს, წინამდებარე **პირობებზე** ვრცელდება ინტერპრეტაციის შემდეგი წესები:
 - 1.2.1. თუ არსებობს რაიმე შეუსაბამობა წინამდებარე **პირობებსა** და შესაბამის საბაზრო წესებს შორის, საბაზრო წესებს უპირატესობა უნდა მიენიჭოს მხოლოდ ტრანზაქციების შესრულებასთან, ანგარიშსწორებასთან ან საოპერაციო მექანიზმებთან დაკავშირებით, ასეთი შეუსაბამობის ფარგლებში.
 - 1.2.2. პუნქტების სათაურები და ნებისმიერი შენიშვნა მოცემულია მხოლოდ კომფორტისთვის და არ იმოქმედებს წინამდებარე **პირობების** განმარტებაზე ან ინტერპრეტაციაზე.
 - 1.2.3. ეს პირობები მოიცავს მათ გრაფიკებს, დანართებს, დამატებებს, ჩანართებსა და მასალებს, რომელთაგან თითოეული წარმოადგენს ამ პირობების განუყოფელ ნაწილს.
 - 1.2.4. მითითება ნებისმიერ ხელშეკრულებაზე ან დოკუმენტზე (მათ შორის, წინამდებარე **პირობებზე**) მოიცავს მის ნებისმიერ ცვლილებას, დამატებას, განახლებას ან ჩანაცვლებას.
 - 1.2.5. მითითება ნებისმიერ კანონზე, დებულებაზე, რეგულაციაზე ან სხვა აქტზე მოიცავს მის ნებისმიერ ცვლილებას, შესწორებას, კონსოლიდაციას, ხელახალ ძალაში შესვლასა თუ ჩანაცვლებას, ასევე, მის საფუძველზე მიღებულ ნებისმიერ ქვესაკანონმდებლო აქტს.

2. შესაფერისობა

- 2.1. თქვენ უნდა იყოთ მინიმუმ 18 წლის და გქონდეთ სრული ქმედუნარიანობა, რათა გააფორმოთ წინამდებარე **ხელშეკრულება** და შეასრულოთ ყველა უფლება, ვალდებულება, განცხადება და გარანტია, რომლებიც გათვალისწინებულია მასში. **კრიპტო-მოღუღზე** წვდომა და მისი გამოყენება ხელმისაწვდომია მხოლოდ იმ მომხმარებლებისთვის, რომლებსაც აქვთ აქტიური **საბანკო ანგარიში** და არიან **მობილური ბანკის** აქტიური მომხმარებლები, სს „თიბისი ბანკის“ მოქმედი წესებისა და პირობების შესაბამისად.
- 2.2. **კრიპტო-მოღუღის** გამოყენება შეგიძლიათ მხოლოდ იმ შემთხვევაში, თუ ეს ნებადართულია თქვენი მუდმივი საცხოვრებელი ქვეყნის ან/და მოქალაქეობის ქვეყნის კანონმდებლობითა და რეგულაციებით.
- 2.3. თქვენ აცხადებთ და იძლევით გარანტიას, რომ არ ხართ შეზღუდული პირი. წინამდებარე **ხელშეკრულების** მიზნებისათვის, „შეზღუდული პირები“ ნიშნავს ნებისმიერ ფიზიკურ პირს, რომელიც: ცხოვრობს, რეგისტრირებულია ან არის ჩრდილოეთ კორეის ან ირანის მოქალაქე; რუსეთის; ბელარუსის ან აშშ-ს მოქალაქე, როგორც ეს განსაზღვრულია 1933 წლის ამერიკის შეერთებული შტატების ფასიანი ქაღალდების შესახებ კანონის S რეგულაციით, რომელიც დროდადრო შეიცვლება.



შებლუდული პირები არ არიან უფლებამოსილი, გამოიყენონ **კრიპტო-მოდული** ან კრიპტოსთან დაკავშირებული ნებისმიერი მომსახურება.

- 2.4. **კრიპტო-მოდულზე** წვდომა ექვემდებარება რეგისტრაციას, ვერიფიკაციასა და შესაბამისობის მიმდინარე შემოწმებებს. თქვენ თანახმა ხართ, მოგვანოდოთ სრული, ზუსტი და განახლებული ინფორმაცია და დაუყოვნებლივ შეატყობინოთ **ბანკს** ამ ინფორმაციის ნებისმიერი ცვლილების შესახებ. **ბანკი** ითხოვს უფლებას, გონივრულად და მოქმედი კანონმდებლობის ან/და შიდა პოლიტიკის შესაბამისად, დაამტკიცოს, უარყოს, შეაჩეროს ან შეწყვიტოს წვდომა **კრიპტო-მოდულზე**, მათ შორის, როდესაც ეს საჭიროა შესაბამისობის, რისკების მართვის ან მარეგულირებელი მიზნებიდან გამომდინარე.
- 2.5. **კრიპტო-მოდულზე** წვდომისა და მისი გამოყენების უფლების კრიტერიუმები დროდადრო შეიძლება შეიცვალოს **ბანკის** მიერ წინამდებარე **პირობების** შესაბამისად. ნებისმიერი ასეთი ცვლილება შეიძლება დაუყოვნებლივ შევიდეს ძალაში, თუ ამას მოითხოვს მოქმედი კანონი ან/და მარეგულირებელი მოთხოვნები ან/და **მომსახურების მიმწოდებელი მესამე პირის** მომსახურების მიმწოდებელი მესამე მხარე მოთხოვნები.

3. ქსელზე წვდომა და კავშირი

- 3.1. **მობილური ბანკისა** და **კრიპტო-მოდულის** გამოყენება ექვემდებარება თქვენი მობილური ან ინტერნეტ მომსახურების პროვაიდერის პირობებს. თქვენ ხართ პასუხისმგებელი ნებისმიერი შესაძლო მონაცემებისა ან კავშირის გადასახადის გადახდაზე. თქვენ ვალდებული ხართ უზრუნველყოთ, რომ **მობილურ ბანკსა** და **კრიპტო-მოდულს** იყენებდეთ უსაფრთხო, საიმედო და სათანადოდ კონფიგურირებული ინტერნეტ კავშირით, რომელიც შესაფერისია ციფრული ფინანსური მომსახურებების გამოსაყენებლად. თუ თქვენ არ ხართ გამოყენებული მოწყობილობის გადასახადის გადამხდელი, თქვენ ადასტურებთ, რომ გაქვთ მისი გამოყენების ნებართვა და რომ თქვენი წვდომა შეესაბამება თქვენი მომსახურების პროვაიდერის პირობებს.
- 3.2. თქვენ აცნობიერებთ, რომ ინტერნეტზე დაფუძნებული და მობილური სისტემების გამოყენება მოიცავს დამახასიათებელ რისკებს, მათ შორის, აპარატურის, პროგრამული უზრუნველყოფის, მოწყობილობების ან ინტერნეტ კავშირების შეფერხებებსა თუ გაუმართაობებს, ასევე, შეფერხებებს, შეწყვეტებს, შეცდომებს, კიბერინციდენტებსა თუ უნებართვო წვდომას. ამგვარმა რისკებმა, შესაძლოა, გამოიწვიოს **მობილური ბანკის** ან **კრიპტო-მოდულის** დროებითი მიუწვდომლობა, გაუმართაობა ან დაყოვნება. თქვენ ეთანხმებით წინამდებარე რისკებს და აღიარებთ, რომ ისინი **ბანკის** გონივრულ კონტროლს სცდება.



4. ინტელექტუალური საკუთრება

- 4.1. ინტელექტუალური საკუთრების ყველა უფლება, მათ შორის, მაგრამ არა მხოლოდ, საავტორო უფლებები, სასაქონლო ნიშნები, მომსახურების ნიშნები, სავაჭრო სახელწოდებები, დომენის სახელები, პროგრამული კოდი, მონაცემთა ბაზები, მომხმარებლის ინტერფეისები, დიზაინები, განლაგებები, ლოგოები, გრაფიკა, სავაჭრო საიდუმლოებები და ნოუ-ჰაუ (ერთობლივად **„ინტელექტუალური საკუთრება“**), რომელიც დაკავშირებულია **კრიპტო-მოდულთან**, კრიპტოსთან დაკავშირებულ ძირითად მომსახურებებთან და მასთან დაკავშირებულ ნებისმიერ ტექნოლოგიასთან ან მასალასთან, ეკუთვნის **ბანკს**, მის შვილობილ კომპანიებს ან მის ლიცენზიარებს. წინამდებარე **პირობებში** არაფერი განიჭებთ რაიმე უფლებას, საკუთრების უფლებას ან ინტერესს ნებისმიერ ინტელექტუალურ საკუთრებაზე, გარდა შეზღუდული უფლებისა, გამოიყენოთ **კრიპტო-მოდული** მკაცრად წინამდებარე **ხელშეკრულების** შესაბამისად.
- 4.2. წინამდებარე **ხელშეკრულების** პირობების დაცვის შემთხვევაში, თქვენ მიიღებთ შეზღუდულ, არაექსკლუზიურ, არაგადაცემად, გაუქმებად ლიცენზიას კრიპტო-მოდულზე წვდომისა და მისი გამოყენებისთვის მხოლოდ პირადი და კანონიერი მიზნებისთვის **მობილური ბანკის** მეშვეობით. ყველა უფლება, რომელიც თქვენთვის ცალსახად არ არის მინიჭებული, დაცულია **ბანკისა** და მისი ლიცენზიარების მიერ.
- 4.3. თქვენ თანახმა ხართ, რომ არც პირდაპირ და არც არაპირდაპირ:
 - 4.3.1. არ მოახდენთ **კრიპტო-მოდულის** ან მასთან დაკავშირებული მომსახურებების რომელიმე ნაწილის კოპირებას, მოდიფიკაციას, ადაპტირებას, რეპროდუცირებას, თარგმნას ან მათგან წარმოებული ნაწარმოებების შექმნას;
 - 4.3.2. არ მოახდენთ უკუპროექტირებას, დეკომპილაციას, დაშლას ან სხვაგვარად არ შეეცდებით **კრიპტო-მოდულის** წყარო კოდის ან ძირითადი სტრუქტურის აღმოჩენას;
 - 4.3.3. არ წაშლით, დაფარავთ ან შეცვლით საავტორო უფლებებს, სასაქონლო ნიშანს ან საკუთრების შესახებ შეტყობინებებს;
 - 4.3.4. არ გამოიყენებთ ნებისმიერ **ინტელექტუალურ საკუთრებას** კომერციული მიზნებისთვის ან **ბანკის** მხრიდან მხარდაჭერის, კუთვნილების ან სპონსორობის მითითებით;
 - 4.3.5. არ მოახდენთ წინასწარი წერილობითი თანხმობის გარეშე, **კრიპტო-მოდულის** მეშვეობით ხელმისაწვდომი მონაცემების, შინაარსის ან მასალების მოპოვებას, ამოღებას ან ხელახლა გამოყენებას.



5. ანგარიში და ანგარიშის უსაფრთხოება

- 5.1. **კრიპტო-მოდულზე** და მასთან დაკავშირებულ მომსახურებებზე წვდომისა და მათი გამოყენებისთვის, თქვენ უნდა:
- 5.1.1. გქონდეთ აქტიური **საბანკო ანგარიში ბანკში**;
 - 5.1.2. გქონდეთ **მობილური ბანკის** აპლიკაციაზე მოქმედი წვდომა; **და**
 - 5.1.3. დაასრულოთ რეგისტრაციის პროცესი **კრიპტო-მოდულისთვის ბანკის** მოთხოვნების შესაბამისად.

მობილური ბანკის ხელმისაწვდომობა და გამოყენება რეგულირდება მხოლოდ თქვენსა და სს „თიბისი ბანკს“ შორის მოქმედი ხელშეკრულებებით. თუ რაიმე მიზეზით დაკარგავთ წვდომას **მობილურ ბანკზე** (მათ შორის, შეჩერების, შეზღუდვის, ტექნიკური მიუწვდომლობის ან შეწყვეტის გამო), **კრიპტო-მოდულზე** წვდომა ავტომატურად შეჩერდება, სანამ არ აღდგება აღნიშნული წვდომა.

- 5.2. **ანგარიში** გამოიყენება მხოლოდ თქვენთვის შენახული **ციფრული აქტივების** ჩასაწერად და **კრიპტო-მოდულის** მეშვეობით ტრანზაქციების შესასრულებლად. **ანგარიში** არ არის **საბანკო ანგარიში**. **ანგარიშზე** განთავსებული **ციფრული აქტივები** არ წარმოადგენს დეპოზიტებს, დანაზოგებს ან სხვა რეგულირებად ფინანსურ პროდუქტებს და არ არის დაზღვეული ან გარანტირებული რომელიმე სახელმწიფო ორგანოს მიერ. **ანგარიშზე** არსებულ ციფრულ აქტივებზე არ დაერიცხება საპროცენტო სარგებელი ან შემოსავალი. ყოველგვარი ეჭვის თავიდან ასაცილებლად, **ანგარიშზე** შეიძლება იყოს მხოლოდ **ციფრული აქტივები**. **ფულადი სახსრების** ამ **ანგარიშზე** შეტანა ან შენახვა დაუშვებელია. **ანგარიში** არ ქმნის მოვალე-კრედიტორის ურთიერთობას **ბანკსა** და თქვენ შორის **ციფრულ აქტივებთან** დაკავშირებით.

- 5.3. თქვენ ხართ პასუხისმგებელი წვდომის მონაცემების, პაროლებისა და **მობილურ ბანკთან** თუ **კრიპტო-მოდულთან** დაკავშირებული ნებისმიერი სხვა ავტორიზაციის საშუალების დაცვაზე, ასევე, ანგარიშის მონიტორინგზე ნებისმიერი არავტორიზებული აქტივობისთვის. თქვენი მონაცემების გამოყენებით მესამე პირის მიერ **ანგარიშზე** ნებისმიერი წვდომა ან მისი გამოყენება ჩაითვლება თქვენთვის ვალიდურად, უფლებამოსილად და სავალდებულოდ და იქნება თქვენი პირადი რისკი, იმისდა მიუხედავად, წარმოიშვა თუ არა ასეთი წვდომა თალღითობის, შეცდომის, დაუდევრობის ან უსაფრთხოების დარღვევის შედეგად, რომელიც არ არის **ბანკის** ბრალი. თუ თქვენი ავტორიზაციის მონაცემები დაიკარგება, მოპარული ან გატეხილი იქნება, დაუყოვნებლივ უნდა შეატყობინოთ **ბანკს** ზედმეტი შეფერხების გარეშე, წინამდებარე **პირობებში** მითითებული საკონტაქტო არხების გამოყენებით. თუ **ბანკი** გონივრულად მიიჩნევს, რომ **ანგარიში** გატეხილია კიბერუსაფრთხოების ან უსაფრთხოების ინციდენტის გამო, ან რომ უწყვეტმა წვდომამ შეიძლება შექმნას უსაფრთხოების, საოპერაციო,



შესაბამისობის ან მარეგულირებელი რისკი, ის იტოვებს უფლებას (მაგრამ არა ვალდებულებას), მიიღოს დაუყოვნებელი დამცავი ზომები, მათ შორის, წინასწარი შეტყობინების გარეშე შეზღუდოს **ანგარიშზე** წვდომა.

5.4. **ბანკს** შეუძლია, ნებისმიერ დროს, საკუთარი შეხედულებისამებრ და წინასწარი შეტყობინების გარეშე, შეზღუდოს, შეაჩეროს ან შეწყვიტოს თქვენი წვდომა **მობილურ ბანკზე** ან/და **კრიპტო-მოდულზე**, წინასწარი შეტყობინებით ან მის გარეშე, თუ ასეთი ქმედება საჭიროა ან **ბანკის** მიერ ჩათვლილია საჭიროდ მოქმედი კანონმდებლობის, მარეგულირებელი მოთხოვნების, **სანქციების**, **AML/CFT** ვალდებულებების, შიდა რისკის ან უსაფრთხოების პოლიტიკის, საოპერაციო მიზნების დაცვისთვის, ან **ბანკის**, თქვენი ან მესამე პირების რეალური ან პოტენციური ზიანის თავიდან ასაცილებლად.

5.5. თქვენ აცნობიერებთ, რომ:

5.5.1. ფასები, მონაცემები და შესრულების დადასტურებები შეიძლება მონოდებული იყოს მომსახურების მიმწოდებელი მესამე მხარეების მიერ და შეიძლება იყოს დაყოვნებული ან შეუსაბამო;

5.5.2. **ბანკი** ეყრდნობა მომსახურების მიმწოდებელ მესამე მხარეებს გარკვეული მონაცემების, ფასების, შესრულების, ანგარიშსწორებისა და ტექნიკური მომსახურებისთვის და არ აკონტროლებს ამ ინფორმაციის დროულობას, სისრულესა თუ სიზუსტეს.

5.5.3. **ბანკი** არ არის პასუხისმგებელი ტექნიკური, სისტემასთან დაკავშირებული ან მესამე მხარის პრობლემების შედეგად გამოწვეულ ზარალზე იმდენად, რამდენადაც ეს პრობლემები არ ექვემდებარება **ბანკის** გონივრულ კონტროლს, მათ შორის **მობილური ბანკის** მოძველებული ან მხარდაუჭერელი ვერსიების გამოყენებას.

5.5.4. ტრანზაქცია ჩაითვლება შესრულებულად, საბოლოოდ და სავალდებულოდ მხოლოდ **კრიპტო-მოდულის** მეშვეობით ხელმისაწვდომი გარიგების დადასტურების გაცემის შემდეგ.

5.5.5. შესაძლებელია სისტემის შეფერხებები, კავშირის პრობლემები, გადაცემის შეფერხებები ან ტექნიკური შეცდომები.

ბანკი არ არის პასუხისმგებელი ტექნიკური ან სისტემასთან დაკავშირებული პრობლემების შედეგად გამოწვეულ ზარალზე იმდენად, რამდენადაც ეს პრობლემები არ ექვემდებარება **ბანკის** გონივრულ კონტროლს, მათ შორის, **მობილური ბანკის** მოძველებული ან მხარდაუჭერელი ვერსიების გამოყენების შემთხვევაში. ტრანზაქცია შესრულებულად ჩაითვლება მხოლოდ **კრიპტო-მოდულის** მეშვეობით ხელმისაწვდომი გარიგების დადასტურების გაცემის შემდეგ.

5.6. თქვენ შეგიძლიათ მიიღოთ ინფორმაცია შესრულებული ტრანზაქციებისა და **ანგარიშის** ნაშთების შესახებ **კრიპტო-მოდულის** მეშვეობით. ასეთი ჩანაწერები



წარმოადგენს თქვენი ტრანზაქციების ოფიციალურ ჩანაწერს და სავალდებულოა ყველა მიზნისთვის, თუ სხვა რამ არ დადასტურდება მკაფიო და დამაჯერებელი მტკიცებულებებით. თქვენი მოთხოვნის საფუძველზე, **ბანკი** უზრუნველყოფს სტანდარტული ტრანზაქციის ამონაწერს ან **ანგარიშის** ამონაწერს ამ მოთხოვნის მიღებიდან არაუგვიანეს ხუთი (5) **სამუშაო დღის** განმავლობაში. ნებისმიერი არასტანდარტული, მორგებული ან დამატებითი ინფორმაციის მოთხოვნა შეიძლება დაექვემდებაროს დამატებით გადასახადებს, რომლებიც შეიძლება დროდადრო შეთანხმდეს ან გამჟღავნდეს თქვენთვის.

5.6.1. ტრანზაქციების ისტორია, ამონაწერები და კომუნიკაციები არ წარმოადგენს შეფასებას. თქვენ აცნობიერებთ, რომ ზოგჯერ შეიძლება მოხდეს შეცდომები ინფორმაციის ჩვენებისას და რომ ამგვარი შეცდომები არ იძლევა გაუქმების, კომპენსაციის ან კორექტირების უფლებას და არ ახდენს გავლენას სათანადოდ შესრულებული ტრანზაქციების სამართლებრივ ვალიდურობასა თუ საბოლოო ხასიათზე.

5.6.2. ნებისმიერი ტრანზაქცია, რომელიც ნაჩვენებია ამონაწერებში ან შეტყობინებებში, ჩაითვლება ზუსტად, ავტორიზებულად და დადასტურებულად, თუ **ბანკი** არ მიიღებს თქვენგან წერილობით და სათანადოდ დასაბუთებულ პროტესტს ამ ინფორმაციის ხელმისაწვდომობის თარიღიდან სამი (3) კალენდარული დღის განმავლობაში.

5.7. თქვენ პასუხისმგებელი იქნებით ყველა ტრანზაქციაზე, რომელიც შესრულდება **ანგარიშის** მეშვეობით თქვენი მონაცემების გამოყენებით, მათ შორის, არაუფლებამოსილი პირების მიერ შესრულებულ ტრანზაქციებზე, გარდა იმ შემთხვევისა, როცა ასეთი ტრანზაქციები პირდაპირ გამონწვეულია **ბანკის** უხეში გაუფრთხილებლობით ან განზრახვი ქმედებით.

6. სავაჭრო ოპერაციები, ფასები და დავალებების შესრულება

6.1. **კრიპტო-მოდული** არის **მობილურ ბანკში** ინტეგრირებული ფუნქცია, რომელიც საშუალებას გაძლევთ, **ბანკის** შეხედულებისამებრ, მოქმედი კანონმდებლობისა და წინამდებარე **პირობების** შესაბამისად, წარადგინოთ ინსტრუქციები **კრიპტო-მოდულის** მეშვეობით თქვენი საკუთარი **ანგარიშისთვის** მხარდაჭერილი **ციფრული აქტივების** შესაძენად და გასაყიდად. თუ მოქმედი კანონმდებლობით სხვა რამ არ არის გათვალისწინებული, წინამდებარე **პირობებით** გათვალისწინებული მომსახურების მიწოდება წარმოადგენს **ბანკის** უფლებას და არა ვალდებულებას, და **ბანკს** შეუძლია გადაწყვიტოს, ხელმისაწვდომი გახადოს თუ არა **კრიპტო-მოდული** ან მისი რომელიმე ნაწილი, როდის და რა პირობებით.

6.2. **კრიპტო-მოდულის** მეშვეობით შესრულებული ტრანზაქციები ხორციელდება ფიქსირებული ფასის შესრულების საფუძველზე. **კრიპტო-მოდული** აჩვენებს ფასს,



რომლითაც შესაძლებელია **ციფრული აქტივის** შექმნა ან გაყიდვა („**კოტირება**“). თითოეული **კოტირება** წარმოადგენს ფიქსირებულ ფასს, რომელიც ხელმისაწვდომია თქვენთვის **კრიპტო-მოდულის** მეშვეობით შესრულებისთვის შეზღუდული დროის განმავლობაში.

6.2.1. თქვენ შეგიძლიათ დაადასტუროთ **კოტირება** ან თავი შეიკავოთ ტრანზაქციის შესრულებისგან. ყოველგვარი ეჭვის გამორიცხვის მიზნით, **ციფრული აქტივის** არჩევის ეტაპზე ნაჩვენები კოტირება წარმოადგენს მხოლოდ ინდიკაციურ ფასს. **დავალების** განთავსებასა და მის შესრულებას შორის შესაძლო დროის შუალედის გამო, მათ შორის, მაგრამ არა მხოლოდ, სისტემური დამუშავების დროისა და ბაზრის ცვლილებების გათვალისწინებით, **დავალების** საბოლოო დადასტურების ეტაპზე (შესრულებამდე ნაჩვენები დადასტურების გვერდზე) მითითებული **კოტირება** ჩაითვლება შესაბამის და სავალდებულო შესრულების ფასად.

6.2.2. **ბანკი** განსაზღვრავს **კოტირებებს**, რომლებიც ხელმისაწვდომი ხდება **კრიპტო-მოდულის** მეშვეობით, საკუთარი შეხედულებისამებრ ან უზრუნველყოფს **კოტირებებს**, რომლებიც ხელმისაწვდომია მომსახურების მიმწოდებელი მესამე მხარის მეშვეობით. **შესაბამისად, ასეთი კოტირებები შეიძლება განსხვავდებოდეს სხვა პლატფორმებზე, ბირჟებზე, ბროკერებთან ხელმისაწვდომი ფასებისგან ან არსებული საბაზრო ფასებისგან და, შესაბამისად, ეს კოტირებები არ წარმოადგენს და არ არის განკუთვნილი საუკეთესო ხელმისაწვდომი საბაზრო ფასების წარმოსადგენად. ბანკი არ არის ვალდებული, თავისი კოტირებები მესამე პირების მიერ შემოთავაზებულ ფასებთან ან გარე საბაზრო ნიშნულთან შეათანხმოს.**

6.2.3. **კრიპტო-მოდული** არ მუშაობს როგორც თავისუფალი ბაზარი, ხოლო ტრანზაქციები არ ხორციელდება მომხმარებლებს შორის დავალებების შესაბამისობით. თქვენ არ ათავსებთ მოლაპარაკებად ან ღია დავალებებს.

6.3. ტრანზაქციის დადასტურებით თქვენ **ბანკს** ავალდებობთ შესაბამისი **ციფრული აქტივის** შექმნის ან გაყიდვის შესრულებას **დავალების** ბოლო გვერდზე ნაჩვენები ფასით, წინამდებარე **პირობებისა** და შესაბამისი შესრულებისა და ანგარიშსწორების ინფრასტრუქტურის მეშვეობით წარმატებით შესრულების გათვალისწინებით. გარდა წინამდებარე **ხელშეკრულებით** პირდაპირ განსაზღვრული შემთხვევებისა, **ბანკი** არ მოქმედებს, როგორც **კლიენტის** პრინციპალი, კონტრაჰენტი, ბროკერი, აგენტი ან ფიდეუციარი **ციფრული აქტივების** ტრანზაქციებთან დაკავშირებით და არ არის პასუხისმგებელი კლიენტებსა ან მესამე პირებს შორის ამ ტრანზაქციებთან დაკავშირებით წარმოშობილ ნებისმიერ დავაზე.



- 6.4. ტრანზაქცია ჩაითვლება თქვენ მიერ წარდგენილად მას შემდეგ, რაც ის დადასტურდება **კრიპტო-მოდულის** მეშვეობით ან **ბანკის** მიერ განსაზღვრული სხვა საშუალებით, იმის მიუხედავად, მიიღებთ თუ არა თქვენ დადასტურებას რეალურად ან შეიტყობთ თუ არა მის შესახებ. **კრიპტო-მოდული** უზრუნველყოფს ინფორმაციას წარდგენილი ტრანზაქციების სტატუსის შესახებ, მათ შორის, შესრულების, უარყოფის ან წარუმატებლობის შესახებ. თქვენ ხართ პასუხისმგებელი **კრიპტო-მოდულის** მეშვეობით გადაცემული ტრანზაქციების სტატუსის მონიტორინგზე საბოლოო დადასტურების ჩვენებამდე. **ბანკი** არ არის პასუხისმგებელი ან ვალდებული ნებისმიერი ზარალისთვის, რომელიც გამოწვეულია თქვენი მხრიდან ტრანზაქციის სტატუსის მონიტორინგის შეუძლებლობით ან **ბანკისთვის** ტრანზაქციის დადასტურების ან შესრულების სტატუსში ნებისმიერი აშკარა შეცდომის, შეფერხების ან შეუსაბამობის შესახებ დაუყოვნებლივ შეტყობინების შეუძლებლობით, თუ სხვა რამ არ არის მოთხოვნილი მოქმედი კანონმდებლობით.
- 6.5. თუ **ბანკი** გამოავლენს ტრანზაქციაზე მოქმედ ტექნიკურ, დამუშავების ან დადასტურების შეცდომას, **ბანკი**, გონივრულად და მოქმედი კანონმდებლობისა და მისი შიდა პროცედურების შესაბამისად, მიიღებს შესაბამის მაკორექტირებელ ზომებს ასეთი შეცდომის აღმოსაფხვრელად. ასეთი ზომები შეიძლება მოიცავდეს ტრანზაქციის შესწორებას, გაუქმებას, შექცევას ან ხელახლა შესრულებას, საჭიროებისამებრ. საჭიროების შემთხვევაში, **ბანკს** შეუძლია მოითხოვოს თქვენგან დამატებითი დადასტურება ტრანზაქციის დამუშავებამდე ან გამოსწორებამდე.
- 6.6. თუ **ტექნიკური შეცდომის, სისტემის გაუმართაობის, ფასების შეცდომის, მონაცემთა მინოღების პრობლემის, ოპერაციული შეფერხების ან სხვა შეცდომის გამო, ციფრული აქტივები ჩაირიცხება თქვენს ანგარიშზე იმ თანხაზე მეტი ოდენობით, ვიდრე თქვენ კანონიერად გეკუთვნით, ასეთი ზედმეტი თანხა არ ჩაითვლება თქვენს საკუთრებად. ბანკი** იტოვებს უფლებას, გონივრულად და კეთილსინდისიერად იმოქმედოს და გამოსწოროს ასეთი შეცდომა, მათ შორის, შესაბამისი ტრანზაქცი(ებ)ის შეცვლით ან კორექტირებით, ზედმეტი **ციფრული აქტივების** ან **ფულადი სახსრების** ჩამოჭრით თქვენი **ანგარიშიდან** ან **საბანკო ანგარიშიდან**, ან თქვენგან არასათანადოდ ჩარიცხული თანხების დაბრუნების მოთხოვნით, იმის მიუხედავად, უკვე განკარგეთ, გაყიდეთ თუ სხვაგვარად გამოიყენეთ თქვენი **ციფრული აქტივები** ან ღირებულება. თქვენ არ უნდა მოიპოვოთ რაიმე უფლება შეცდომით დაკრედიტებულ **ციფრულ აქტივებთან** ან მათგან მიღებულ შემოსავლებთან დაკავშირებით და უნდა აიღოთ ვალდებულება, დაუყოვნებლივ ითანამშრომლოთ **ბანკთან** შეცდომის გამოსასწორებლად გაუმართლებელი შეფერხების გარეშე. ასეთ შემთხვევაში თქვენ იქნებით



პასუხისმგებელი **ბანკისთვის** ამ ქმედების შედეგად მიყენებული ზიანის ანაზღაურებაზე.

- 6.7. თქვენ აცნობიერებთ, რომ შეუძლებელია ტრანზაქციის გაუქმება ან შეცვლა მას შემდეგ, რაც **დავალებას** გადასცემთ შესრულებისთვის **კრიპტო-მოდულის** მეშვეობით. **ბანკი** არ იძლევა იმის გარანტიას, რომ ტრანზაქციის გაუქმების ან შეცვლის ფუნქციონალი ხელმისაწვდომი იქნება, ხოლო ასეთის ხელმისაწვდომობის შემთხვევაში, **ბანკი** არ იძლევა გარანტიას, რომ ნებისმიერი ასეთი მოთხოვნა წარმატებით შესრულდება. თუ ტრანზაქციის გაუქმება ან შეცვლა შეუძლებელია, თქვენ თანახმა ხართ, რომ თავდაპირველი ტრანზაქციის შესრულება თქვენთვის სავალდებულოა. ამასთან, თქვენ აცნობიერებთ, რომ ტრანზაქციის გაუქმების, შეცვლის ან ხელახლა გადაგზავნის მცდელობამ, შესაძლოა, გამოიწვიოს მისი დაბლოკვა ან უნებლიე შესრულება, მათ შორის, სისტემის შეფერხების ან ქსელის შეფერხებების შედეგად, რაზეც პასუხისმგებელი იქნებით მხოლოდ თქვენ, თუ მოქმედი კანონმდებლობა სხვაგვარად არ მოითხოვს.
- 6.8. **ბანკს** შეუძლია, თავისი უსაფრთხოების, რისკების მართვისა და მარეგულირებელი მოთხოვნების შესაბამისად, თავისი შეხედულებისამებრ, განახორციელოს ავტორიზაციის ერთი ან მეტი ზომა **კრიპტო-მოდულის** მეშვეობით ტრანზაქციების წარდგენასთან ან შესრულებასთან დაკავშირებით, მათ შორის, მაგრამ არა მხოლოდ, ბიომეტრიული ავტორიზაცია, ერთჯერადი პაროლები (OTP), მრავალფაქტორიანი ავტორიზაცია ან უსაფრთხოების სხვა მექანიზმები, როგორც ამას პერიოდულად მხარს უჭერს **მობილური ბანკის** აპლიკაცია ან **კრიპტო-მოდული**. გამოყენებული ავტორიზაციის კონკრეტული ზომები შეიძლება განსხვავდებოდეს ტრანზაქციის ტიპის, რისკის შეფასების, მარეგულირებელი მოთხოვნებისა და შესაბამის დროს ტექნიკური შესაძლებლობების მიხედვით.
- 6.8.1. კონკრეტულ შემთხვევაში აუთენტიფიკაციის კონკრეტული მეთოდის, მათ შორის, OTP-ის ან ბიომეტრიული შემოწმების, გამოყენებლობა, თუ გამოყენებული აუთენტიფიკაცია შეესაბამება მოქმედ კანონმდებლობასა და **ბანკის** შიდა უსაფრთხოების პროცედურებს, თავისთავად არ წარმოადგენს წინამდებარე **პირობების** დარღვევას და არ ითვლება საჭირო უსაფრთხოების ზომების განხორციელების შეუძლებლობად.
- 6.8.2. თქვენ აცნობიერებთ და ეთანხმებით, რომ **ბანკი** არ იქნება პასუხისმგებელი იმ ტრანზაქციების შესრულების შედეგად წარმოშობილ ზარალზე, სადაც ავტორიზაცია განხორციელდა მოქმედი მარეგულირებელი მოთხოვნებისა და შესაბამის დროს მოქმედი **ბანკის** შიდა უსაფრთხოების პროცედურების შესაბამისად, იმ შემთხვევაშიც კი, თუ დამატებითი ან ალტერნატიული ავტორიზაციის ზომები ხელმისაწვდომი იყო, მაგრამ არ იქნა გამოყენებული.



- 6.9. ტრანზაქციის შესრულების შემდეგ ის საბოლოოა და მისი გაუქმება ან შეცვლა შეუძლებელია, გარდა იმ შემთხვევისა, როდესაც გაუქმება ან შეცვლა მოითხოვება მოქმედი კანონმდებლობით, სისტემის ან ტექნიკური ხარვეზის გამოვლენისას, ან წინამდებარე **ხელშეკრულებით**, მათ შორის, 6.4 მუხლით პირდაპირ განსაზღვრულ კონკრეტულ გარემოებებში.
- 6.10. **ბანკი** არ იძლევა გარანტიას, რომ:
- 6.10.1. ნებისმიერი დავალება შესრულდება;
 - 6.10.2. დავალება დაუყოვნებლივ შესრულდება;
 - 6.10.3. დავალება შესრულდება მითითებულ ფასად; ან
 - 6.10.4. დავალება შესრულდება საუკეთესო ხელმისაწვდომ საბაზრო ფასად.
- დავალებას შესრულებაზე შეიძლება გავლენა იქონიოს ბაზრის ცვალებადობამ, ლიკვიდურობის შეზღუდვებმა, ტექნიკურმა შეზღუდვებმა, მესამე მხარის სისტემებმა ან მარეგულირებელმა მოთხოვნებმა.
- 6.11. თქვენ მიერ გადაცემული დავალებები ექვემდებარება **ბანკის** ან/და შესაბამისი **მომსახურების მიმწოდებელი მესამე მხარის** მიერ მიღებას. **ბანკს** უფლება აქვს, უარი თქვას ამგვარი დავალებების შესრულებაზე წინამდებარე **პირობების** შესაბამისად.
- 6.12. **ციფრული აქტივების შექმნა და გაყიდვა შეუძლიათ მხოლოდ იმ პირებს, რომლებსაც აქვთ აქტიური საბანკო ანგარიში სს „თიბისი ბანკში“ და მხოლოდ და მხოლოდ მობილური ბანკის მეშვეობით, და ასეთი ტრანზაქციებისთვის სხვა არხი არ დაიშვება.**
- 6.13. ბანკი არ არის პასუხისმგებელი თქვენ მიერ მიღებულ ზარალზე, ზიანზე ან ხარჯებზე, რომელიც გამოწვეულია ჩვენ მიერ მე-6 პუნქტის შესაბამისად განხორციელებული ნებისმიერი ქმედებით ან უმოქმედობით, მათ შორის, ნებისმიერი გადაწყვეტილებით იმაზე, რომ მიღებული, უარყოფილი, გაუქმებული, შეცვლილი ან შეუსრულებელი იქნეს დავალება, გარდა იმ შემთხვევისა, როდესაც ასეთი ზარალი გამოწვეულია **ბანკის** უხეში გაუფრთხილებლობით ან განზრახვი ქმედებით, ან კანონიერ ძალაში შესული სასამართლო გადაწყვეტილებით დადგენილი შემთხვევებისა.
- 6.14. იმის გათვალისწინებით, რომ **ფულადი სახსრების ანგარიშზე** ჩარიცხვა შეუძლებელია, ტრანზაქციების ანგარიშსწორება განხორციელდება თქვენი ნებისმიერი აქტიური **საბანკო ანგარიშიდან** სს „თიბისი ბანკში“. ყველა ტრანზაქცია უნდა განხორციელდეს აშშ დოლარში (USD) ან ქართულ ლარში (GEL) (როგორც ეს ხელმისაწვდომი იქნება **კრიპტო-მოდულში**), ხოლო **კრიპტო-მოდულში** ნაჩვენები **ციფრული აქტივების** ყველა ფასი მითითებულია შესაბამისად, აშშ დოლარში ან ლარში. ამასთან, **კრიპტო-მოდულმა**, შესაძლოა, დროდადრო, მოგცეთ საშუალება, დაიწყოთ ანგარიშსწორება **საბანკო ანგარიშიდან**, რომელზეც ხელმისაწვდომი



თანხები სხვა ვალუტაშია. ასეთ შემთხვევაში, აშშ დოლარში გადასახდელი ექვივალენტური თანხა გამოითვლება და ავტომატურად კონვერტირდება **ბანკის** მიერ კონვერტაციის თარიღისთვის მოქმედი **ბანკის** კომერციული გაცვლითი კურსის გამოყენებით, და ჩაითვლება, რომ თქვენ დართეთ ნება ასეთ კონვერტაციას შესაბამისი ტრანზაქციის დასასრულებლად.

- 6.15. **კრიპტო-მოდულის მეშვეობით შესაძლებელია მხოლოდ ყიდვა-გაყიდვის დავალებების განთავსება. გადარიცხვის დავალებები, მათ შორის, ციფრული აქტივების გატანა ან გადარიცხვა გარე საფულეებზე, მესამე პირებზე ან კრიპტო-მოდულის ნებისმიერ სხვა მომხმარებელზე, მხარდაჭერილი არ არის და მათი შესრულება შეუძლებელია. ამრიგად, თქვენ ცალსახად აცნობიერებთ და ეთანხმებით, რომ კრიპტო-მოდულის მეშვეობით შენახული ციფრული აქტივების კრიპტო-მოდულიდან გატანა შეუძლებელია. შესაბამისად, თუ გსურთ, დახუროთ თქვენი პოზიცია ან განკარგოთ თქვენი ციფრული აქტივები, ეს შესაძლებელია მხოლოდ ამ ციფრული აქტივების გაყიდვით კრიპტო-მოდულის მეშვეობით.**
- 6.16. **ციფრული აქტივების** შეძენისა და გაყიდვის ფასი დინამიკურია, რაც იმას ნიშნავს, რომ ფასები მუდმივად მერყეობს და მათზე გავლენას ახდენს სხვადასხვა ფაქტორი, მათ შორის, საბაზრო პირობები და ლიკვიდურობა. **ციფრული აქტივების კოტირებები** შეიძლება გამოყენებადი იყოს მხოლოდ კონკრეტული მოცულობისთვის, ხოლო **ციფრული აქტივის** შეძენის ფასი შეიძლება განსხვავდებოდეს მისი გაყიდვის ფასისგან.
- 6.17. თქვენ მიერ შეძენილი **ციფრული აქტივები** წარმოადგენს თქვენს საკუთრებას; თუმცა, ამ **ციფრულ აქტივებს ბანკი** ფლობს თქვენი სახელით ნომინალური მფლობელობის უფლებით. **ბანკი** უფლებამოსილია შეინახოს თქვენი საკუთრებაში არსებული **ციფრული აქტივები**, რომლებიც შეძენილია **ბანკის** მეშვეობით, როგორც საკუთარ ინფრასტრუქტურაში, ისე კასტოდიანი მესამე მხარეების მეშვეობით, მათ შორის, **ბანკის** მიერ დანიშნული ვირტუალური (კრიპტო) აქტივების მომსახურების პროვაიდერების საფულეებში.
- 6.18. ყოველი **შესყიდვის** ან **გაყიდვის დავალება** შეიძლება დაკავშირებული იყოს მხოლოდ ერთ (1) კონკრეტულ **ციფრულ აქტივთან**. თქვენ არ შეგიძლიათ განათავსოთ ერთი შეკვეთა, რომელიც აერთიანებს ან უკავშირდება სხვადასხვა **ციფრულ აქტივს**. თითოეული **ციფრული აქტივისთვის** წარდგენილ უნდა იქნეს ცალკეული დავალებები.
- 6.19. **შესყიდვის ტრანზაქციები**



- 6.19.1. **ციფრული აქტივის** შესაძენად თქვენ უნდა შექმნათ **ბანკის** მიერ შემოთავაზებული **ციფრული აქტივის შესყიდვის დავალება კრიპტო-მოდულის** მეშვეობით.
- 6.19.2. **შესყიდვის დავალებას** შესრულება ექვემდებარება **ბანკის** მიერ მისაღებად მიღებასა და დისკრეციულ შესრულებას და ის შეიძლება უარყოფილ, გადადებული, ნაწილობრივ შესრულებული ან საერთოდ შეუსრულებელი იყოს, მათ შორის, მაგრამ არა მხოლოდ, თუ:
- 6.19.2.1. თქვენ არ გაქვთ საკმარისი ხელმისაწვდომი ბალანსი;
 - 6.19.2.2. გადაჭარბებულია მოქმედი სავაჭრო (მინიმალური ან მაქსიმალური) ან რისკის ლიმიტები;
 - 6.19.2.3. საბაზრო პირობები არ იძლევა შესრულების საშუალებას;
 - 6.19.2.4. შესრულება ვერ დასრულდება შესაბამისი შესრულების ან ანგარიშსწორების ინფრასტრუქტურის მეშვეობით; ან
 - 6.19.2.5. ის არ შეესაბამება წინამდებარე **პირობებს**.
- 6.19.3. **ციფრული აქტივის** შეძენის დაწყებისთანავე **ბანკი** მოგაწვდით **ციფრული აქტივების კოტირებას**, რომელიც შესაძლოა განსხვავდებოდეს **ციფრული აქტივის** საბოლოო **კოტირებისგან**; აღნიშნული ხელმისაწვდომი იქნება **დავალების** განთავსების ბოლო გვერდზე (**დავალების** დადასტურების გვერდი).
- 6.19.4. **შესყიდვის დავალებას** შესრულების შემდეგ შესაბამისი თანხა (მათ შორის, ნებისმიერი მოქმედი საკომისიო და მოსაკრებელი) ჩამოიჭრება თქვენი **საბანკო ანგარიშიდან შესყიდვის დავალების** შესრულებამდე. თქვენ მიიღებთ **ციფრული აქტივის** შესაბამისი ოდენობის საკუთრების უფლებას მას შემდეგ, რაც აღნიშნული შესრულება დადასტურდება. შეძენილი **ციფრული აქტივი** დაგერიცხებათ ტრანზაქციის დასრულებისთანავე.
- 6.20. **გაყიდვის დავალებები**
- 6.20.1. **გაყიდვის დავალების** წარდგენა შეგიძლიათ მხოლოდ იმ ციფრული აქტივებისთვის, რომლებიც თქვენს **ანგარიშზეა** და **ბანკის** ნომინალურ მფლობელობაშია დაფიქსირებული. თქვენს **ანგარიშზე** არსებულ ბალანსზე მეტი რაოდენობის ციფრული აქტივების გაყიდვის ნებისმიერი მცდელობა გამოიწვევს ტრანზაქციის შეუსრულებლობას. ამგვარი ტრანზაქციების განხორციელების განმეორებითმა ან განზრახ მცდელობებმა, შესაძლოა, დაარღვიოს წინამდებარე პირობები და გამოიწვიოს **კრიპტო-მოდულზე** წვდომის შეზღუდვა ან შეწყვეტა.
- 6.20.2. **გაყიდვის დავალების** შესრულება ექვემდებარება **ბანკის** მიერ მის მიღებასა და დისკრეციის ფარგლებში აღსრულებას და ის შეიძლება იქნეს უარყოფილი,



გადადებული, ნაწილობრივ შესრულებული ან საერთოდ შეუსრულებელი, მათ შორის, მაგრამ არა მხოლოდ, თუ:

- 6.20.2.1. თქვენ არ ფლობთ შესაბამისი **ციფრული აქტივის** საკმარის რაოდენობას **კრიპტო-მოდულში**;
 - 6.20.2.2. გადაჭარბებულია მოქმედი სავაჭრო (მინიმალური და მაქსიმალური), რისკის ან საოპერაციო ლიმიტები;
 - 6.20.2.3. საბაზრო პირობები არ იძლევა აღსრულების საშუალებას;
 - 6.20.2.4. აღსრულება ან ანგარიშსწორება ვერ დასრულდება შესაბამისი შესრულების, შენახვის ან ანგარიშსწორების ინფრასტრუქტურის მეშვეობით; ან
 - 6.20.2.5. **გაყიდვის დავალება** არ შეესაბამება წინამდებარე **პირობებს** ან მოქმედ კანონმდებლობას.
- 6.20.3. **ციფრული აქტივის** გაყიდვის დაწყებისთანავე **ბანკი** მოგაწვდით **ციფრული აქტივების კოტირებას**, რომელიც შესაძლოა განსხვავდებოდეს **ციფრული აქტივის** საბოლოო **კოტირებისგან**; აღნიშნული ხელმისაწვდომი იქნება **დავალების** განთავსების ბოლო გვერდზე (**დავალების** დადასტურების გვერდი).
- 6.20.4. თუ თქვენ სათანადოდ დააინიცირებთ **ციფრული აქტივის** გაყიდვას **კრიპტო-მოდულის** მეშვეობით, სრულად შეასრულებთ გაყიდვის პროცესს და სათანადოდ დაადასტურებთ **გაყიდვის დავალებას** მითითებულ ვადაში, თქვენ გადასცემთ **ციფრული აქტივის** შესაბამისი თანხის საკუთრებას მესამე პირს ტრანზაქციის შესრულებისთანავე. გაყიდვის დავალებას შესრულების შემდეგ თქვენ უფლებამოსილი იქნებით, მიიღოთ **ფულადი სახსრები**, რომელიც ტოლი იქნება ტრანზაქციის ღირებულებისა ყველა მოქმედი საკომისიოსა და მოსაკრებლის გამოკლებით, რომელიც ჩაირიცხება თქვენს **საბანკო ანგარიშზე გაყიდვის დავალებას** სათანადოდ შესრულების მომენტიდან არაუგვიანეს სამი (3) სამუშაო დღისა.
- 6.20.4.1. იმ შემთხვევაში, თუ ტექნიკური შეცდომის, ოპერაციული გაუმართაობის ან სხვა უნებლიე შეცდომის გამო, თქვენს **ანგარიშზე** ჩაირიცხება თანხა, რომელიც აღემატება იმ წმინდა **ფულად სახსრებს**, რომლის მიღების უფლებაც გაქვთ, **ბანკი** უფლებამოსილი იქნება, ნებისმიერ დროს და წინასწარი შეტყობინების გარეშე, ჩამოგაჭრათ ან დაიბრუნოს ზედმეტი თანხა თქვენი მიმდინარე ან სხვა **ანგარიშებიდან**, რომლებიც **ბანკში** გაქვთ.

6.21. მხარდაჭერილი ციფრული აქტივები და სიიდან ამოღება



- 6.21.1. თქვენ შეგიძლიათ შეიძინოთ და გაყიდოთ მხოლოდ ის **ციფრული აქტივები**, რომლებსაც მხარს უჭერს **ბანკი** და რომლებიც დროდადრო ნაჩვენებია **კრიპტო-მოდულში („მხარდაჭერილი ციფრული აქტივები“)**.
- 6.21.2. **ბანკს** შეუძლია, თავისი შეხედულებისამებრ, დაამატოს ახალი **მხარდაჭერილი ციფრული აქტივები**, შეცვალოს **მხარდაჭერილი ციფრული აქტივების** სია ან შეწყვიტოს მხარდაჭერა ნებისმიერი **ციფრული აქტივისთვის** ნებისმიერ დროს, მათ შორის წინასწარი შეტყობინების გარეშე, თუ მოქმედი კანონი სხვაგვარად არ მოითხოვს.
- 6.21.3. **ბანკს** შეუძლია, საკუთარი შეხედულებისამებრ, შეაჩეროს ან შეწყვიტოს ნებისმიერი **მხარდაჭერილი ციფრული აქტივის** ხელმისაწვდომობა შესაძენად ან/და გასაყიდად, მუდმივად ან დროებით („**სიიდან ამოღება**“).
- 6.21.4. **ციფრული აქტივის სიიდან ამოღების** შემდეგ:
- 6.21.4.1. თქვენ ვეღარ შეძლებთ, შეიძინოთ ამოღებული **ციფრული აქტივი კრიპტო-მოდულის** მეშვეობით, ამოღების მომენტიდან. **ბანკი** არ არის ვალდებული, წინასწარ გაცნობოთ შესყიდვის ფუნქციის შეჩერების შესახებ.
- 6.21.4.2. სადაც გონივრულად შესაძლებელია, **კლიენტები**, რომლებიც ფლობენ შესაბამის **ციფრულ აქტივს კრიპტო-მოდულში**, მიიღებენ მომსახურების შეტყობინებას გონივრულ ვადაში, სანამ მოხდება მისი **სიიდან ამოღება**, სადაც მითითებული იქნება **სიიდან ამოღების** მოსალოდნელი თარიღი და ნებისმიერი ხელმისაწვდომი ვარიანტი.
- 6.21.4.3. **სიიდან ამოღების** თარიღში შესაბამისი **ციფრული აქტივი** შეიძლება ნაიშალოს **კრიპტო-მოდულიდან** და აღარ იყოს ხილვადი ან/და ხელმისაწვდომი სავაჭრო ოპერაციებისთვის.
- 6.21.4.4. თუ, **სიიდან ამოღების** თარიღისთვის (ან შემდგომ), თქვენ კვლავ ფლობთ **სიიდან ამოღებულ ციფრულ აქტივს კრიპტო-მოდულის** მეშვეობით, თქვენ ეთანხმებით, რომ **ბანკი** უფლებამოსილია, თქვენგან დამატებითი თანხმობის მოპოვების გარეშე:
- 6.21.4.4.1. შეასრულოს ასეთი **ციფრული აქტივის** გაყიდვა იმ დროისთვის **ბანკის** შესრულების ინფრასტრუქტურის მეშვეობით ხელმისაწვდომი საბაზრო ფასით (მოქმედი საკომისიოების, მოსაკრებლებისა და გადასახადების გამოკლებით); ან/და
- 6.21.4.4.2. მიიღოს ნებისმიერი სხვა ზომა, რომელიც საჭიროა ოპერაციული, უსაფრთხოების, შესაბამისობის, რისკების მართვის ან მარეგულირებელი მიზნების გამო, მათ შორის, შეზღუდოს შესაბამის **ციფრულ აქტივზე** წვდომა.
- 6.21.4.4.3. თქვენ აცნობიერებთ, რომ ასეთი გაყიდვა შეიძლება მოხდეს იმ ფასისგან განსხვავებულ ფასად, რომლითაც თქვენ შეიძინეთ



ციფრული აქტივი, და შესაძლებელია შესრულდეს ერთ ან მრავალ ტრანზაქციაში, რაც დამოკიდებულია ბაზრის ლიკვიდურობასა და ტექნიკურ შესაძლებლობებზე.

6.21.5. **ბანკი** გონივრულ ძალისხმევას გამოიყენებს, რათა წინასწარ შეატყობინოს **კლიენტებს სიიდან ამოღების** შესახებ; თუმცა, თქვენ აცნობიერებთ, რომ წინასწარი შეტყობინება შეიძლება შეუძლებელი იყოს (და **ბანკმა** შეიძლება დაუყოვნებლივ დაიწყოს პროცესი), თუ, მაგალითად:

6.21.5.1. განხორციელდა ცვლილება მოქმედ კანონში, რეგულაციაში, სამართლებრივ ინტერპრეტაციაში, ან გაიცა ნებისმიერი კომპეტენტური ორგანოს მიერ მითითება/ბრძანება/მოთხოვნა, რომელიც გავლენას ახდენს **ციფრული აქტივის** სამართლებრივ ან მარეგულირებელ სტატუსზე ან **ბანკის** შესაძლებლობაზე, მხარი დაუჭიროს მას;

6.21.5.2. **ციფრული აქტივი** განიცდის არსებით ცვლილებას (მათ შორის, ტექნიკურ მოდიფიკაციებს, მიგრაციას, რედენომინაციას, რებრენდინგს, ჰარდ-ფორკს (hard fork) ან მსგავს მოვლენას), რომელიც არსებითად აისახება მის ფუნქციონირებაზე, რისკებზე ან მხარდაჭერაზე;

6.21.5.3. ნებისმიერი მომსახურების მიმწოდებელი მესამე მხარე, ლიკვიდურობის პროვაიდერი, მეურვე, საფულის პროვაიდერი ან სხვა პარტნიორი, რომელიც ჩართულია **ბანკის** მიერ **კრიპტო-ვალუტასთან** დაკავშირებული მომსახურების უზრუნველყოფაში, წყვეტს ან ზღუდავს მხარდაჭერას **ციფრულ აქტივზე**;

6.21.5.4. **ბანკი** განსაზღვრავს, რომ უწყვეტი მხარდაჭერა **ბანკს** ან/და **კლიენტებს** შეუქმნის დაუშვებელ საოპერაციო, კიბერ, სამართლებრივ, რეპუტაციულ, AML/CFT, სანქციების, თაღლითობის ან ბაზრის ბოროტად გამოყენების რისკს.

6.21.6. შეზღუდვის გარეშე, **ბანკს** შეუძლია **ციფრული აქტივის** განაცხადის გაუქმება, თუ **ბანკი** თავისი შეხედულებისამებრ დაადგენს, რომ:

6.21.6.1. ლიკვიდურობა ან/და სავაჭრო მოცულობა არასაკმარისია ან ქმნის შესრულებისთვის ან ანგარიშსწორებისთვის მომატებულ რისკს;

6.21.6.2. **ციფრული აქტივი** მგრძნობიარეა ფასების მანიპულირების ან ბაზრის ბოროტად გამოყენების მიმართ (მათ შორის, დაბალი საბაზრო კაპიტალიზაციის ან არასტანდარტული არასტაბილურობის გამო);

6.21.6.3. არსებობს ცნობილი ან სავარაუდო უსაფრთხოების ხარვეზები, ჰაკერობა, თაღლითობა ან ტექნიკური სისუსტეები, რომლებიც გავლენას ახდენს **ციფრულ აქტივზე** ან მის ძირითად ქსელზე;

6.21.6.4. **ციფრული აქტივი** ექვემდებარება სანქციების შეზღუდვებს, გაზრდილ კომპლექსურ შემოწმების მოთხოვნებს ან შესაბამისობის სხვა შეზღუდვებს;



6.21.6.5. **ციფრული აქტივი** აღარ არის კომერციულად ან ოპერაციულად მიზანშეწონილი **ბანკის** მხარდასაჭერად.

6.21.7. მოქმედი კანონმდებლობით დაშვებულ მაქსიმალურ ფარგლებში, **ბანკი** არ არის პასუხისმგებელი ნებისმიერი ზარალის, დაზიანების, დაკარგული შესაძლებლობების, მოგების დანაკარგის ან ფასების ცვლილებების გამო, რომელიც წარმოიშობა ან დაკავშირებულია ნებისმიერ **სიიდან ამოღებასთან**, მათ შორის, სავაჭრო ფუნქციონირების შეჩერებასთან ან **ბანკის** მიერ ამ პუნქტის შესაბამისად განხორციელებულ ნებისმიერ გაყიდვასთან.

7. საკომისიო

- 7.1. **კრიპტო-მოდულზე** წვდომისთვის ან **კლიენტად** რეგისტრაციისთვის საკომისიო არ არსებობს. ამის მიუხედავად, **ბანკს** შეუძლია გარკვეული ტრანზაქციების, აპლიკაციის ფუნქციების, მომსახურებებისა თუ ფუნქციონალების გამო საკომისიოს დაკისრება, როგორც ეს განსაზღვრულია წინამდებარე **პირობებში**, ან როგორც ამის შესახებ პერიოდულად შეგატყობინებთ.
- 7.2. **კრიპტო-მოდულზე** წვდომისა და **ციფრული აქტივების** ტრანზაქციების შესრულების გათვალისწინებით, თქვენ თანახმა ხართ გადაიხადოთ საკომისიო თქვენ მიერ ინიცირებული ყოველი წარმატებით შესრულებული ყიდვა-გაყიდვის ტრანზაქციისთვის („**ტრანზაქციის საკომისიო**“). **ტრანზაქციის საკომისიო** განისაზღვრება დანართი N1-ის მიხედვით და ავტომატურად გამოიქვითება ტრანზაქციის თანხიდან ან/და თქვენი ხელმისაწვდომი ბალანსიდან შესრულების მომენტში.
- 7.3. **ბანკი** იტოვებს უფლებას, ნებისმიერ დროს შეცვალოს, მოახდინოს მოდიფიკაცია ან დააწესოს ახალი საკომისიოები. ნებისმიერი ასეთი ცვლილება ძალაში შედის არა უადრეს ოცდაათი (30) კალენდარული დღისა მას შემდეგ, რაც **ბანკი** შეგატყობინებთ (გარდა იმ შემთხვევისა, როდესაც შეტყობინება უნდა გაკეთდეს უფრო ადრე ამ **პირობების** ან მოქმედი კანონმდებლობის შესაბამისად), **მობილური ბანკის, კრიპტო-მოდულის** ან სხვა შესაბამისი საშუალებების მეშვეობით. თუ თქვენ არ ეთანხმებით შესწორებულ საკომისიოებს, თქვენი ერთადერთი საშუალებაა **კრიპტო-მოდულის** გამოყენების შეწყვეტა. **კრიპტო-მოდულის** გამოყენების გაგრძელება შესწორებული საკომისიოების ძალაში შესვლის თარიღის შემდეგ ჩაითვლება ამ ცვლილებების მიღებად.
- 7.4. საკომისიო გადასახდელია თქვენ მიერ და შეიძლება ჩამოგეჭრათ აშშ დოლარში/ლარში ან, თუ **ბანკი** ამას დაუშვებს, სხვა ვალუტაში, რომელიც დროდადრო შეიძლება დამტკიცდეს **ბანკის** მიერ. თუ **საბანკო ანგარიშზე** არ გაქვთ საკმარისი აშშ დოლარი/ლარი, შესაბამისი თანხა გამოითვლება საკომისიოების



აშშ დოლარის/ლარის ოდენობის კონვერტირებით ასეთ ვალუტაში, **ბანკის** კომერციული გაცვლითი კურსით კონვერტაციის თარიღზე.

- 7.5. თუ თვლით, რომ საკომისიო შეცდომით ჩამოგეჭრათ, დაუყოვნებლივ უნდა შეატყობინოთ **ბანკს** და მიაწოდოთ შესაბამისი ტრანზაქციის გონივრული დეტალები. თუ მოქმედი კანონმდებლობით სხვა რამ არ არის განსაზღვრული, ნებისმიერი პრეტენზია, რომელიც არ იქნება წარდგენილი შესაბამისი საკომისიოს თქვენი **ანგარიშის** ამონაწერში ასახვის დღიდან ოცდაათი (30) კალენდარული დღის განმავლობაში, ჩაითვლება უარყოფილად, ხოლო ტრანზაქციის საკომისიო საბოლოოდ მიღებულად თქვენ მიერ.
- 7.6. ნებისმიერი გადასახადი, მოსაკრებელი ან საკომისიო, რომელიც პირდაპირ არ არის მითითებული წინამდებარე **პირობებში** და დაწესებულია მომსახურების მიმწოდებელი მესამე მხარის მიერ **მომსახურებებთან** დაკავშირებით, უნდა გაიღოს თქვენ.

8. ტრანზაქციის ლიმიტები

- 8.1. **კრიპტო-მოდულის** მეშვეობით შესრულებული თქვენი ტრანზაქციები ექვემდებარება ტრანზაქციის ლიმიტებს, რაც მოიცავს, მაგრამ არ შემოიფარგლება ამ პირობების N1 დანართით განსაზღვრული ლიმიტებით.
- 8.2. **ბანკს** აქვს უფლება, მაგრამ არა ვალდებულია, ასახოს და შეატყობინოს ტრანზაქციის ლიმიტები **კრიპტო-მოდულში**.
- 8.3. **ბანკი** იტოვებს უფლებას, საკუთარი შეხედულებისამებრ, შეცვალოს, გადახედოს ან დაარეგულიროს ზემოაღნიშნული ტრანზაქციის ლიმიტები. **კლიენტებისთვის** მოქმედი ტრანზაქციის ლიმიტების ნებისმიერი არსებითი ცვლილება უნდა ეცნობოს **კლიენტებს** ასეთი ცვლილების ძალაში შესვლამდე ოცდაათი (30) კალენდარული დღით ადრე.
- 8.3.1. მიუხედავად ზემოაღნიშნულისა, თუ ტრანზაქციის ლიმიტების ცვლილება საჭიროა მოქმედი კანონმდებლობის, რეგულაციის, რისკების მართვის, უსაფრთხოების ან საოპერაციო მიზეზების, მარეგულირებელი მოთხოვნის, საზედამხედველო მითითებების, საერთაშორისო საუკეთესო პრაქტიკის ცვლილების შედეგად და ასეთი ცვლილება ძალაში შედის ვადაში, რომელიც **ბანკს** არ აძლევს საშუალებას, მიაწოდოს წინასწარი შეტყობინება ოცდაათი (30) კალენდარული დღით ადრე, **ბანკი** შეგატყობინებთ ამ ცვლილების შესახებ გონივრულად შესაძლო უმოკლეს ვადაში.
- 8.4. თქვენ აცნობიერებთ და ეთანხმებით, რომ **ანგარიშზე** არსებული **ციფრული აქტივის** ღირებულება, საბაზრო ცვლილებების გამო, შეიძლება დაეცეს ტრანზაქციის მინიმალურ თანხაზე ან **კრიპტო-მოდულში** მოქმედ სხვა შესრულების ზღვრებზე დაბლა. ასეთ შემთხვევებში, შესაძლოა, ვერ შეძლოთ



გაყიდვის დავალების განთავსება ან ამ **ციფრული აქტივის** სხვაგვარად განკარგვა, დროებით ან/და სამუდამოდ.

8.4.1. **ბანკი** არ არის ვალდებული შეასრულოს ნებისმიერი ტრანზაქცია, რომელიც არ აკმაყოფილებს ტრანზაქციის მოქმედ მინიმალურ მოთხოვნებს და არ არის პასუხისმგებელი, მოქმედი კანონმდებლობით დაშვებულ ფარგლებში, ნებისმიერი ზარალის, გაყიდვის შეუძლებლობის ან გამოუყენებელი შესაძლებლობის გამო, რომელიც პირდაპირ გამომწვეულია ტრანზაქციის ამგვარი მინიმალური მოთხოვნებით.

9. კრიპტო-მოდულის უსაფრთხოება, ავტორიზაცია და გამოყენება

9.1. **კრიპტო-მოდულზე** წვდომა და მისი გამოყენება შესაძლებელია მხოლოდ **მობილური ბანკის** აპლიკაციის მეშვეობით. **მობილური ბანკისთვის** მოქმედ ყველა საკითხს, რომელიც დაკავშირებულია იდენტიფიკაციასთან, ავტორიზაციასთან, წვდომის უსაფრთხოებასთან, მომხმარებლის მონაცემებთან, ბიომეტრიულ ავტორიზაციასთან, ერთჯერად პაროლებთან (OTP), მონყობილობის ვერიფიკაციასთან და უსაფრთხოების სხვა ზომებთან, არეგულირებს თქვენსა და **ბანკს** შორის დადებული **ხელშეკრულება ფიზიკური პირის საბანკო ოპერაციების წარმოების შესახებ**.

9.2. თქვენ აცნობიერებთ და ეთანხმებით, რომ **კრიპტო-მოდულზე** მოქმედი უსაფრთხოების სტანდარტები, ავტორიზაციის მექანიზმები და წვდომის წესები განუყოფელია და სრულად არის დამოკიდებული **მობილური ბანკის** უსაფრთხოების ჩარჩოზე.

9.3. მხოლოდ თქვენ ხართ პასუხისმგებელი შემდეგზე:

9.3.1. **მობილური ბანკის** ყველა ავტორიზაციის მონაცემის, ავტორიზაციის ხელსაწყოთა და მონყობილობის კონფიდენციალურობისა და უსაფრთხოების შენარჩუნება;

9.3.2. **მობილური ბანკისა** და **კრიპტო-მოდულისთვის** უნებართვო წვდომის თავიდან აცილება;

9.3.3. **კრიპტო-მოდულზე** წვდომის უზრუნველყოფა მხოლოდ თქვენ მიერ ან იმ პირების მიერ, რომლებიც სათანადოდ არიან უფლებამოსილი მოქმედი კანონმდებლობისა და შესაბამისი საბანკო ხელშეკრულებების შესაბამისად.

მობილური ბანკისა და **კრიპტო-მოდულის** მეშვეობით შესრულებული ნებისმიერი ქმედება ჩაითვლება თქვენ მიერ შესრულებულად.

9.4. **ბანკს** შეუძლია, თავისი შეხედულებისამებრ, გამოიყენოს ან დაუშვას დამატებითი ავტორიზაციის ან გადამოწმების ტექნოლოგიების გამოყენება, მათ შორის მრავალფაქტორიანი ავტორიზაცია, ბიომეტრიული ავტორიზაცია ან **მობილური ბანკის** მიერ მხარდაჭერილი სხვა უსაფრთხოების ზომები. ავტორიზაციის



რომელიმე კონკრეტული მეთოდის გამოყენება ან გამოუყენებლობა (OTP-ის ან ბიომეტრიული ავტორიზაციის ჩათვლით) არ წარმოადგენს წინამდებარე **პირობების** დარღვევას და არ იწვევს **ბანკის** პასუხისმგებლობას უნებართვო წვდომის შემთხვევაში.

- 9.5. ეჭვის გამორიცხვის მიზნით, ამ პუნქტის დებულებები არ არის ამომწურავი. დამატებითი პირობები, უფლებები და ვალდებულებები, რომლებიც დაკავშირებულია **მობილური ბანკის** უსაფრთხოებასთან, წვდომასთან, აუთენტიფიკაციასთან, ავტორიზაციასა და გამოყენებასთან, მითითებულია **ბანკსა** და თქვენ შორის დადებულ **ხელშეკრულებაში ფიზიკური პირის საბანკო ოპერაციების წარმოების შესახებ**, რომელიც შესაბამისად გამოიყენება.

10. კრიპტო-მოდულის გამოყენების რისკი

- 10.1. **კრიპტო-მოდული**, რომელიც თქვენთვის ხელმისაწვდომი გახდა **მობილური ბანკის** მეშვეობით, ყველა კონტენტის (მათ შორის, მესამე მხარის კონტენტის), ფუნქციებისა და მასთან დაკავშირებული მომსახურებების ჩათვლით, მოწოდებულია „როგორც არის“ და „როგორც ხელმისაწვდომია“ პრინციპით, თქვენი პასუხისმგებლობით და ყოველგვარი განცხადებებისა თუ გარანტიების გარეშე. **ბანკი** არ იძლევა გარანტიას **კრიპტო-მოდულის** ან მისი რომელიმე ფუნქციის შეუფერხებელი ხელმისაწვდომობისა თუ გამოყენების შესახებ ნებისმიერ დროს.
- 10.2. თქვენ აცნობიერებთ, რომ **მობილური ბანკის** მეშვეობით **კრიპტო-მოდულზე** წვდომა და მისი გამოყენება მოიცავს დამახასიათებელ ტექნიკურ და საოპერაციო რისკებს, მათ შორის, შემლუდვის გარეშე:
- 10.2.1. რისკები, რომლებიც წარმოიქმნება ელექტრონული საკომუნიკაციო ქსელების, მობილური ან ინტერნეტ-სერვისების პროვაიდერების, მოწყობილობების მწარმოებლებისა თუ ოპერაციული სისტემების გამოყენების შედეგად;
- 10.2.2. სისტემის დროებითი ან ხანგრძლივი შეფერხებები, ტექნიკური გამართულობის მომსახურების პერიოდები, უსაფრთხოებასთან დაკავშირებული შემლუდვები ან სხვა შეფერხებები, რომლებმაც, შესაძლოა, გამოიწვიოს **კრიპტო-მოდულის** მიუწვდომლობა; და
- 10.2.3. თქვენი მოწყობილობის არამიზნობრივი პროგრამული უზრუნველყოფის, კიბერინციდენტების, დაკარგვის, ქურდობის ან დაზიანების შედეგად არასწორად გამოყენების, უნებართვო წვდომის ან ჩარევის რისკები.
- 10.3. **ბანკი** ითვებს უფლებას, შეზღუდოს, შეაჩეროს ან დაბლოკოს წვდომა **კრიპტო-მოდულზე** ნებისმიერ მოწყობილობაზე, სადაც ოპერაციული სისტემის ან მოწყობილობის მწარმოებლის უსაფრთხოების ფუნქციები შეცვლილია, გამორთულია ან დარღვეულია (მათ შორის, შემლუდვის გარეშე, jailbroken ან rooted



მოწყობილობები). **ბანკი** არ იძლევა გარანტიას **კრიპტო-მოდულის** გამართულ ფუნქციონირებასთან დაკავშირებით იმ მოწყობილობებზე, რომლებიც არ აკმაყოფილებს **ბანკის** ტექნიკურ ან უსაფრთხოების მოთხოვნებს, ან რომლებიც აღარ არის მხარდაჭერილი.

- 10.4. მოქმედი კანონმდებლობით დაშვებულ მაქსიმალურ ფარგლებში, ყველა გარანტია, პირობა ან დებულება, იქნება ეს გამოხატული, ნაგულისხმევი, კანონით განსაზღვრული თუ სხვა, მათ შორის, შეზღუდვის გარეშე, სიზუსტის, ხარისხის, სავაჭრო შესაფერისობის, კონკრეტული მიზნისთვის ვარგისიანობის, უსაფრთხოების ან შეუფერხებელი, უშეცდომო მუშაობის გარანტიები, პირდაპირ გამოირიცხება მობილურ ბანკთან და **კრიპტო-მოდულთან** მიმართებაში.
- 10.5. მოქმედი კანონმდებლობით ნებადართულ ფარგლებში, **ბანკი** არ აგებს პასუხს იმ ზარალსა თუ ზიანზე, რომელიც გამონვეულია მონაცემების გადაცემის შეცდომებით, ტექნიკური ხარვეზებით, სისტემის გაუმართაობით, მომსახურების შეფერხებით, კიბერინციდენტებით, თქვენ ან მესამე პირის მიერ გამოყენებულ საკომუნიკაციო ქსელებში, ინფორმაციულ სისტემებსა თუ მოწყობილობებში უკანონო ჩარევით, ან დაკავშირებულია აღნიშნულთან.
- 10.6. ეჭვის თავიდან ასაცილებლად, ამ პუნქტის დებულებები არ არის ამომწურავი. დამატებითი პირობები, უფლებები და ვალდებულებები, რომლებიც დაკავშირებულია **მობილური ბანკის** უსაფრთხოებასთან, წვდომასთან, აუთენტიფიკაციასთან, ავტორიზაციასა და გამოყენებასთან, მოცემულია **ბანკსა** და თქვენ შორის დადებულ **ხელშეკრულებაში ფიზიკური პირის საბანკო ოპერაციების წარმოების შესახებ**, რომელიც შესაბამისად გამოიყენება.

11. ინფორმაციის, მასალებისა და მესამე მხარის კონტენტის მიწოდება

- 11.1. **კრიპტო-მოდულის** გამოყენებით, თქვენ აცნობიერებთ და ეთანხმებით, რომ:
 - 11.1.1. **ბანკი** არ არის ვალდებული, მიაწოდოს რაიმე ინფორმაცია, მასალა, მონაცემები, ანალიტიკა, ანგარიშები, კვლევა, ბაზრის კომენტარი ან სხვა კონტენტი, რომელიც დაკავშირებულია **ციფრულ აქტივებთან**, პროდუქტებთან ან მომსახურებასთან; და
 - 11.1.2. როდესაც ნებისმიერი ასეთი ინფორმაცია ან მასალა („**მასალები**“) მოწოდებულია, ისინი ხელმისაწვდომი ხდება მხოლოდ თქვენი საინფორმაციო მიზნებისთვის და არ შეიძლება მათი კოპირება, გადანაწილება, გამოქვეყნება ან სხვაგვარად გამჟღავნება მესამე პირებისთვის **ბანკის** წინასწარი წერილობითი თანხმობის გარეშე.
- 11.2. თქვენ აცნობიერებთ და ეთანხმებით, რომ **ბანკი** არ მოქმედებს, როგორც თქვენი საინვესტიციო მრჩეველი, ფიდუციარი, ბროკერი-დილერი ან ფინანსური კონსულტანტი. **კრიპტო-მოდულის** ან მობილური ბანკის მეშვეობით



ხელმისაწვდომი არცერთი მასალა არ წარმოადგენს ინვესტიციასთან დაკავშირებულ რჩევას, რეკომენდაციას, მოთხოვნას ან მხარდაჭერას ნებისმიერი ტრანზაქციის გასაფორმებლად, ან იმის მტკიცებას, რომ ნებისმიერი **ციფრული აქტივი** ან ტრანზაქცია თქვენთვის შესაფერისი, მიზანშეწონილი ან სასურველია.

- 11.3. **ბანკი მასალებს კრიპტო-მოღულის** მეშვეობით ხელმისაწვდომს ხდის მხოლოდ საინფორმაციო მიზნებისთვის და, საჭიროების შემთხვევაში, შეიძლება დაეყრდნოს დამოუკიდებელი მესამე მხარის ინფორმაციის პროვაიდერების მიერ მოწოდებულ ინფორმაციას. მიუხედავად იმისა, რომ **ბანკი** იღებს გონივრულ ზომებს იმის უზრუნველსაყოფად, რომ ასეთი **მასალები** წარმოდგენილი იყოს მისი შიდა პროცედურებისა და მოქმედი კანონმდებლობის შესაბამისად, **ბანკი** არ იძლევა გარანტიას, რომ **მასალები**, მათ შორის საბაზრო მონაცემები, ფასები, **კოტირებები**, ანალიტიკა, სიახლეები ან კვლევა, ყოველთვის ზუსტი, სრული, განახლებული ან შეცდომებისგან თავისუფალია და **ბანკი** არ არის ვალდებული მუდმივად გადაამოწმოს, განაახლოს ან შეასწოროს ასეთი მასალები.
- 11.4. **კრიპტო-მოღული** და კრიპტოსთან დაკავშირებული მომსახურებები შეიძლება იყოს დამოკიდებული, ინტეგრირებული ან უზრუნველყოფდეს წვდომას საბაზრო მონაცემებზე, ფასებზე, ანალიტიკაზე, სიახლეებზე, კვლევებზე, გარე ვებსაიტებზე, API-ებზე, ბლოკჩეინ-ქსელებზე, საფულებებზე, მეურვეობაზე, ლიკვიდურობაზე ან მესამე პირების მიერ მოწოდებულ სხვა კონტენტსა და მომსახურებებზე (ერთობლივად, „**მესამე პირის კონტენტი და მომსახურება**“). მსგავსი **მესამე პირის კონტენტი და მომსახურებები** მოწოდებულია მხოლოდ საინფორმაციო ან საოპერაციო მიზნებისთვის და არ კონტროლდება, არ იმართება და არ ინახება **ბანკის** მიერ, თუ სხვაგვარად არ არის მითითებული.
 - 11.4.1. მიუხედავად იმისა, რომ **ბანკი** იღებს გონივრულ ზომებს **მესამე პირის კონტენტისა და მომსახურებების** შესარჩევად და გამოსაყენებლად მოქმედი კანონმდებლობისა და მისი შიდა პროცედურების შესაბამისად, **ბანკი** არ იძლევა გარანტიებს, რომ **მესამე პირის აღნიშნული კონტენტი და მომსახურებები** ყოველთვის იქნება ზუსტი, სრული, განახლებული, შეუფერხებელი ან უშეცდომო. **ბანკი** არ გასცემს ინვესტიციებთან დაკავშირებულ რჩევებსა თუ რეკომენდაციებს **მესამე პირის კონტენტისა და მომსახურებების** საფუძველზე, ხოლო **კლიენტები** თავად არიან პასუხისმგებელი საკუთარი ინფორმირებული გადაწყვეტილებების მიღებაზე.
 - 11.4.2. **ბანკს** შეუძლია ნებისმიერ დროს შეცვალოს, ჩაანაცვლოს, შეაჩეროს ან შეწყვიტოს წვდომა **მესამე პირის ნებისმიერ კონტენტსა და მომსახურებაზე** ოპერაციული, სამართლებრივი, მარეგულირებელი, უსაფრთხოების ან რისკების მართვის მიზნების გამო და არ აგებს პასუხს რაიმე სახის ზარალზე



ან დაზიანებაზე, რომელიც გამოწვეულია ან დაკავშირებულია აღნიშნულ შეცვლასთან, შეჩერებასთან ან შეწყვეტასთან.

11.4.3. **მესამე პირის კონტენტსა და მომსახურებაზე** ყველა ინტელექტუალური საკუთრების უფლება რჩება შესაბამისი მესამე პირი პროვაიდერების ექსკლუზიურ საკუთრებად და ამგვარი კონტენტის გამოყენება შეიძლება დაექვემდებაროს შესაბამისი მესამე პირი პროვაიდერების მიერ დაწესებულ ცალკეულ წესებსა და პირობებს.

11.5. **კრიპტო-მოდულზე** წარმოდგენილი გარკვეული **ციფრული აქტივები**, მომსახურებები ან კონტენტი, შესაძლოა, არ იყოს ხელმისაწვდომი ან მიღებული გარკვეულ იურისდიქციებში მოღვაწე ან მომხმარებლების გარკვეულ კატეგორიებში მყოფი **კლიენტებისთვის** მარეგულირებელი ან სამართლებრივი შეზღუდვების გამო. ხელმისაწვდომობა შეიძლება შეიცვალოს წინასწარი შეტყობინების გარეშე.

12. მომსახურება და სხვა შეტყობინებები

12.1. თქვენ ადასტურებთ, რომ წინამდებარე პირობებთან დაკავშირებით თქვენსა და **ბანკს** შორის გაცვლილი ნებისმიერი შეტყობინება, ოფიციალური ცნობა ან სხვა სახის კომუნიკაცია უნდა გაიცეს და მიწოდდეს იმ დებულებების შესაბამისად, რომლებიც არეგულირებს შეტყობინებებსა და კომუნიკაციებს, რომლებიც მითითებულია **ბანკსა** და კლიენტს შორის დადებულ **ხელშეკრულებაში ფიზიკური პირის საბანკო ოპერაციების წარმოების შესახებ**, პერიოდული ცვლილებების გათვალისწინებით.

13. პასუხისმგებლობა, პასუხისმგებლობის შეზღუდვა და აღსრულება

13.1. **კლიენტის** მიერ **ბანკის** წინაშე ამ პირობებით ან/და **კლიენტსა** და **ბანკს** შორის სხვა ნებისმიერი შეთანხმებით (მათ შორის, შეზღუდვის გარეშე, სესხის, უზრუნველყოფისა ან/და სხვა საბანკო ხელშეკრულებებით) ნაკისრი ნებისმიერი ვალდებულების სრულად და სათანადოდ შესრულების უზრუნველსაყოფად, **კლიენტი** ამით შეუქცევადად ანიჭებს უფლებას **ბანკს**, **ბანკის** შეხედულებისამებრ, **კლიენტის** მიერ დარღვევის, არასათანადო შესრულების ან ასეთი დარღვევის ან არასათანადო შესრულების გონივრული რისკის არსებობის შემთხვევაში, განახორციელოს ნებისმიერი ქვემოთ ჩამოთვლილი ქმედება, წინასწარი შეტყობინების გარეშე, თუ ეს ნებადართულია კანონით:



- 13.1.1. შეზღუდოს, გაყინოს ან დაბლოკოს **კლიენტის** წვდომა **კრიპტო-მოდულზე** ან/და შეზღუდოს **კლიენტის** შესაძლებლობა, განკარგოს, გაყიდოს ან სხვაგვარად გამოიყენოს **კლიენტის ანგარიშზე** დაფიქსირებული **ციფრული აქტივები**;
- 13.1.2. გაყიდოს **კლიენტის ციფრული აქტივების** მთლიანად ან მისი ნაწილი, რომელიც ჩაწერილია **კლიენტის ანგარიშზე**, იმ მომენტში მოქმედი საბაზრო ფასით, რომელიც ხელმისაწვდომია **ბანკის** შესრულების ინფრასტრუქტურის მეშვეობით, და გამოიყენოს **ფულადი სახსრები კლიენტის** გადასახდელი ფულადი ვალდებულებების დასაფარად;
- 13.1.3. შესაბამის გადახდის/ანგარიშსწორების თარიღზე, მოახდინოს შემოსული თანხის კონვერტაცია საჭირო ვალუტაში კომერციული გაცვლითი კურსით, რომელსაც იყენებს **ბანკის** მიერ ჩართული **კრიპტო საფულე/მომსახურების პროვაიდერი** (ან ნებისმიერი სხვა კურსით, რომელსაც **ბანკი** იყენებს ჩვეულ რეჟიმში, საჭიროებისამებრ) და მიღებული თანხა გამოიყენოს **კლიენტის** ფინანსური ვალდებულებების დასაფარად **ბანკის** ან/და ნებისმიერი მესამე მხარის მიმართ, თუ **ბანკი** უფლებამოსილია ან ვალდებულია, დაფაროს ასეთი ვალდებულებები **კლიენტის** სახელით; და
- 13.1.4. ჩათვალოს **კლიენტის** მიერ **ბანკის** მიმართ არსებული ნებისმიერი ვალდებულები **ბანკის** მიერ **კლიენტის** მიმართ არსებულ ნებისმიერ ვალდებულებებთან, მიუხედავად ამ ვალდებულებების ხასიათისა, ვადიანობისა ან ვალუტისა.
- 13.2. **ბანკი** არ არის პასუხისმგებელი იმ ხარჯების, სპრედების, საკომისიოების ან სხვა გადასახადების ზრდაზე, ცვლილებაზე ან ვარიაციაზე, რომლებიც ვრცელდება ყიდვა/გაყიდვის ოპერაციებზე, თუ ასეთი ცვლილება განპირობებულია **ბანკის** მიერ ჩართული **კრიპტო საფულის/მეურვეობის პროვაიდერის**, ლიკვიდურობის პროვაიდერის ან სხვა მესამე პირების და/ან/ან საბაზრო პირობებით.
- 13.3. მიუხედავად წინამდებარე პირობებში არსებული ნებისმიერი საწინააღმდეგო დებულებისა, **ბანკი** არ არის პასუხისმგებელი რაიმე არაპირდაპირ, შემთხვევით, განსაკუთრებულ ან გამომდინარე ზარალზე, მათ შორის, მოგების დაკარგვაზე, შესაძლებლობის დაკარგვაზე, ბიზნესი შესაძლებლობის დაკარგვაზე, სავაჭრო ზარალზე, მოსალოდნელი დანაზოგის დაკარგვაზე, რეპუტაციულ ზარალზე ან ნებისმიერ პრეტენზიაზე, რომელიც წარმოიშობა **კლიენტის** მიერ ტრანზაქციის სასურველ დროს ან სასურველ ფასად შესრულების შეუძლებლობიდან.
- 13.4. მოქმედი კანონმდებლობით დაშვებულ მაქსიმალურ ფარგლებში, **კლიენტი** ვალდებულია დაიცვას, აუნაზღაუროს და უვნებელი დატოვოს **ბანკი**, მისი შვილობილი კომპანიები, თანამშრომლები, ოფიცრები, დირექტორები და აგენტები (შემდგომში „**ანაზღაურებული პირები**“) ნებისმიერი პრეტენზიის,



ზარალის, ვალდებულების, ზიანის, ხარჯისა და დანახარჯებისაგან (მათ შორის გონივრული იურიდიული საფასურისგან), რომელიც წარმოიშობა ან დაკავშირებულია **კლიენტის** მიერ წინამდებარე პირობების დარღვევასთან; **კლიენტის** მიერ მათი **ანგარიშის** არასწორად მართვასთან, მათ შორის, ავტორიზაციის მონაცემების უსაფრთხოდ შენახვის შეუძლებლობასთან, უნებართვო წვდომის დაშვებასთან, ან **ბანკის** მიერ მოწოდებული მითითებებისა და ინსტრუქციების შეუსრულებლობასთან; **კლიენტის მობილური ბანკის** ან **კრიპტო-მოდულის** წვდომის ნებისმიერი უნებართვო გამოყენება, რომელიც უკავშირდება **კლიენტს** ან/და მესამე პირის ნებისმიერი პრეტენზია, რომელიც გამომდინარეობს **კლიენტის** ქმედებებიდან, ინსტრუქციებიდან ან ტრანზაქციებიდან **კრიპტო-მოდულის** მეშვეობით; **კლიენტის** მიერ ინფორმაციის არასწორად წარმოდგენა, ქმედება ან უმოქმედობა ან ინფორმაციის სავარაუდოდ არასწორად წარმოდგენა, ქმედება ან უმოქმედობა; ანაზღაურების მიმღები პირების მიერ **კლიენტის** მითითებების ან ინსტრუქციების შესრულება ან **კლიენტის** ან მათი უკანონო ან დაუსაბუთებელ მითითებების ან ინსტრუქციების შეუსრულებლობა; ანაზღაურების მიმღები პირების ნებისმიერი საქმიანობა ან მომსახურება **ანგარიშთან** დაკავშირებით **კლიენტის** მითითებების შესაბამისად ან/და წინამდებარე პირობების დაცვით; **ბანკის** მიერ არაკონტროლირებადი ნებისმიერი პირის (ექვსის თავიდან ასაცილებლად, ეს მოიცავს **ბანკის** ნებისმიერ ასოცირებულ და შვილობილ კომპანიას ან მესამე პირს ან **საფულის პროვაიდერს**) მიერ **კლიენტის** წინაშე ნებისმიერი ვალდებულების შეუსრულებლობა, გარდა იმ შემთხვევისა და მხოლოდ იმდენად, რამდენადაც ასეთი ზარალი განცდილია ან გაღებულია **ბანკის** უხეში დაუდევრობით ან განზრახ ქმედების შედეგად.

- 13.5. **კლიენტი** თანახმაა, რომ **ბანკის** წინასწარი წერილობითი თანხმობის გარეშე ის არ მოაგვარებს, არ შეთანხმდება ან არ დათანხმდება ან არ შესთავაზებს ნებისმიერი გადაწყვეტილების მიღებას ნებისმიერ მიმდინარე ან მოსალოდნელ სარჩელთან, ქმედებასთან ან პროცესთან დაკავშირებით, რომელიც ეხება **ბანკის** აქ აღწერილ ვალდებულებას, გარდა იმ შემთხვევისა, თუ ასეთი მორიგება, შეთანხმება ან თანხმობა მოიცავს **ბანკისა** და სხვა ანაზღაურებადი პირების უპირობო გათავისუფლებას ყველა პასუხისმგებლობისგან, რომელიც გამომდინარეობს ასეთი სარჩელისგან, ქმედებისგან ან პროცესისგან და არ მოიცავს განცხადებას ან აღიარებას ნებისმიერი **ანაზღაურებადი პირის** მიერ ან მისი სახელით ჩადენილ შეცდომაზე, ბრალეულობაზე ან უმოქმედობაზე.
- 13.6. წინამდებარე **პირობებში** არაფერი არ უნდა განიმარტოს, როგორც **ბანკის** ან ნებისმიერი სხვა **ანაზღაურებადი პირის კლიენტის** მიმართ ფიდუციარად დანიშვნა
- 13.7. მოქმედი კანონმდებლობით დაშვებულ მაქსიმალურ ფარგლებში, **ბანკის** მთლიანი ჭამური პასუხისმგებლობა კლიენტის წინაშე, მოქმედების ფორმის მიუხედავად, არ უნდა აღემატებოდეს კლიენტის მიერ ბანკისთვის გადახდილი ჭამური



საკომისიოების 50%-ს (ორმოცდაათ პროცენტს) **კრიპტო-მოდულთან** დაკავშირებით იმ ბოლო კალენდარული წლის განმავლობაში, რომელიც წინ უსწრებს იმ მოვლენას, რომელმაც გამოიწვია მოთხოვნა.

13.8. თუ **კლიენტი** განიცდის **ციფრული აქტივების** პირდაპირ მუდმივ დანაკარგს (ან აქტივების ნებისმიერ დანაკარგს, რომელიც უწყვეტად არ აღდგება სამოცი (60) დღის განმავლობაში), რომელიც **კლიენტის ანგარიშზე** დაფიქსირებულია **ბანკის** სისტემის გატეხვის ან უსაფრთხოების დარღვევის შედეგად, **ბანკის** საერთო პასუხისმგებლობა ამ ინციდენტზე განისაზღვრება ყოველი ცალკეული ინციდენტის მიხედვით. თითოეული ასეთი ინციდენტისთვის ბანკის ჯამური პასუხისმგებლობა უნდა შემოიფარგლოს ანგარიშზე დაკარგული აქტივების („**დაკარგული აქტივები**“) საბაზრო ღირებულების ასი პროცენტით (100%) ინციდენტის უშუალოდ წინა მომენტისათვის. ამ პუნქტის მიზნებისათვის, დაკარგული აქტივების საბაზრო ღირებულება განისაზღვრება იმ საბაზრო ფასების მითითებით, რომლებიც იმ დროს **კრიპტო-მოდულში** მისი საქმიანობის ჩვეულებრივი მიმდინარეობისას გამოიყენება.

13.8.1. თუ **ბანკი** პასუხისმგებელია ამ დებულებით გათვალისწინებულ ასეთ ზარალზე, **ბანკი** ჩაანაცვლებს დაკარგულ **ციფრულ აქტივებს** ანალოგიური პრინციპით, **კლიენტისთვის შესაბამისი ციფრული აქტივების** იმავე ტიპისა და რაოდენობის ჩარიცხვით.

13.8.2. **კლიენტი** აცნობიერებს და თანახმაა, რომ ასეთ შემთხვევაში, მას არ ექნება პრეტენზია **ბანკის** მიმართ ფასების ცვლილებებიდან, არასტაბილურობიდან, გამოტოვებული შესაძლებლობებიდან, მოგების დაკარგვიდან ან შესაბამის პერიოდში ტრანზაქციების შესრულების შეუძლებლობიდან გამომდინარე ნებისმიერი ზარალის გამო.

13.8.3. ეს პუნქტი არ ვრცელდება იმ შემთხვევებზე, როცა ზარალი გამოწვეულია **კლიენტის** ქმედებით ან უმოქმედობით, მათ შორის, **კლიენტის მობილური ბანკის** მონაცემების, მონაცემების უსაფრთხოების ან **კლიენტის** მხრიდან არასანქცირებული წვდომის შედეგად.

13.9. მოქმედი კანონმდებლობით ნებადართულ ფარგლებში, **ბანკი** არ არის პასუხისმგებელი არაპირდაპირ, შემთხვევით, სპეციალურ ან თანმიმდევრულ დანაკარგებზე ან ზიანზე, მათ შორის მოგების, შესაძლებლობის, მონაცემების, ბიზნეს შესაძლებლობის ან რეპუტაციის დაკარგვაზე, რომელიც წარმოიშობა **კრიპტო-მოდულსა** ან/და **მომსახურებებზე** მოქმედი ტექნიკურ ან საოპერაციო საკითხებთან დაკავშირებით. ასეთი საკითხები შეიძლება წარმოიშვას, მაგალითად, **ბანკის** სისტემების ან ინფრასტრუქტურის, **მომსახურების მიმწოდებელი მესამე მხარის** სისტემების ან ინფრასტრუქტურის ექსპლუატაციიდან ან ტექნიკური მომსახურების გაწვიდან, ან დაგეგმილი ან საგანგებო ტექნიკური მომსახურების გაწვიდან, განახლებებიდან ან მსგავსი



ტექნიკური სამუშაოებიდან, რომლებიც შესრულებულია **ბანკის** მიერ ან მისი სახელით.

13.10. **ბანკი** არ არის პასუხისმგებელი **კლიენტის** წინაშე წინამდებარე **პირობებით** გათვალისწინებული ვალდებულებების შესრულებისას წარმოქმნილი ნებისმიერი ზარალის, წარუმატებლობის, შეფერხების ან დაყოვნების გამო, თუ ასეთი ზარალი, წარუმატებლობა, შეფერხება ან დაყოვნება პირდაპირ ან არაპირდაპირ გამოწვეულია გარემოებებით, რომლებიც არ ექვემდებარება მის გონივრულ კონტროლს. ფორს-მაჟორული მოვლენები მოიცავს, შეზღუდვის გარეშე, გამოცხადებულ ან გარდაუვალ ომს, ტერორიზმის აქტებს, აჯანყებას, სამოქალაქო არეულობას, ბუნების კატასტროფებს, სხვა მიზეზებს, რომლებიც საყოველთაოდ ცნობილია, როგორც „გარდაუვალი ძალის ქმედება“, საკანონმდებლო დებულებებს, სახელმწიფო ორგანოების მიერ მიღებულ ზომებს, გაფიცვებს, ლოკაუტებს, ბოიკოტებს ან ბლოკადებს, მიუხედავად იმისა, **ბანკი** კონფლიქტის მხარეა თუ არა, და მათ შორის შემთხვევებს, როდესაც **ბანკის** მხოლოდ ნაწილი ფუნქციებია დაზარალებული ასეთი მოვლენებით, ნებისმიერ ტექნიკურ სირთულეს, როგორცაა ტელეკომუნიკაციების შეფერხებები ან დარღვევები, **მობილური ბანკის** ან **კრიპტო-მოდულის** ხელმიუწვდომლობა (მაგ., ტექნიკური შეჩერების გამო), კიბერ-შეტევები ან კიბერ-ინციდენტები, ბირჟის ან ბაზრის გადაწყვეტილებები, ელ-ფოსტის ან სხვა საკომუნიკაციო სისტემების პრობლემები, სავაჭრო შეფერხებები, მექანიკური ან ელექტრონული შეფერხებები, მესამე პირების მიერ ინსტრუქციების შეუსრულებლობა, ტექნიკური პრობლემები, მათ შორის, აპარატურული და პროგრამული შეფერხებები და სხვა დარღვევები, სატელეკომუნიკაციო ან საინფორმაციო მომსახურების ინფრასტრუქტურის შეფერხება, ჰაკერობა, სპამი ან ნებისმიერი კომპიუტერის, სერვერის ან პროგრამული უზრუნველყოფის შეფერხება ან დარღვევა, რომელიც გამოწვეულია ვანდალიზმით, ქურდობით, სატელეფონო მომსახურების შეწყვეტით, ელექტროენერჯის გათიშვით, ინტერნეტის შეფერხებით, ვირუსებით და მექანიკური, ელექტროენერჯის ან საკომუნიკაციო შეფერხებებით, ან ნებისმიერი სხვა მიზეზით, რომელიც გონივრულად არ არის **ბანკის** კონტროლის ქვეშ, იმის მიუხედავად, იყო თუ არა ასეთი მიზეზი გონივრულად პროგნოზირებადი. გარდა ამისა, **ბანკი** არ არის პასუხისმგებელი ზოგადი საბაზრო პირობებით გამოწვეულ ზარალზე.

14. კლიენტის გარანტიები და განცხადებები

14.1. თქვენ იძლევიტ გარანტიას და აცხადებთ, რომ:

14.1.1. თქვენ ხართ სრულწლოვანი ფიზიკური პირი და არ გაქვთ რაიმე სამართლებრივი შეზღუდვა და არ ექვემდებარებით რაიმე კანონსა თუ



- რეგულაციას, რომელიც ხელს უშლის თქვენს საქმიანობას წინამდებარე **პირობების** შესაბამისად;
- 14.1.2. თქვენ მიიღეთ ყველა საჭირო თანხმობა და გაქვთ უფლებამოსილება იმოქმედოთ წინამდებარე **პირობების** შესაბამისად და მათ მიხედვით და გამოიყენოთ **კრიპტო-მოდული**;
- 14.1.3. ნებისმიერი სახსრები ან/და სხვა აქტივები, რომლებიც თქვენ მიერ არის მონოდებული ნებისმიერი მიზნით ამ პირობების შესაბამისად, ყოველთვის თავისუფალი იქნება ნებისმიერი გადასახადისგან, ყადაღისგან, გირავნობისგან ან დატვირთვისგან და იქნება თქვენი საკუთრება;
- 14.1.4. თქვენ იცავთ ყველა კანონს, რომელიც თქვენზე ვრცელდება, მათ შორის, შეზღუდვის გარეშე, ყველა საგადასახადო კანონსა და რეგულაციას, სავალუტო კონტროლისა და რეგისტრაციის მოთხოვნებს; და
- 14.1.5. თქვენ მიერ **ბანკისთვის მობილური ბანკისა** და **კრიპტო-მოდულის** გამოყენებასთან დაკავშირებით მონოდებული ინფორმაცია არის სრული, ნამდვილი და ზუსტი და არ არის ყალბი. თქვენ ხართ პასუხისმგებელი ბანკისთვის მონოდებული ნებისმიერი ინფორმაციის სინამდვილეზე და იძლევით გარანტიას, რომ ნებისმიერი ასეთი ინფორმაცია იქნება განახლებული და ძალაში მყოფი. წინააღმდეგ შემთხვევაში, **ბანკს** უფლება აქვს მიმართოს წინამდებარე **პირობებში** აღნიშნულ ნებისმიერ ქმედებას, მათ შორის, მაგრამ არა მხოლოდ, იმ ქმედებებს, რომლებიც აღწერილია შესაბამის მუხლებში, რომლებიც არეგულირებს **კრიპტო-მოდულზე** ან/და თქვენს **ანგარიშზე** წვდომის შეზღუდვას, შეჩერებასა და შეწყვეტას. ამ პუნქტში აღნიშნული ვალდებულებების დარღვევით გამოწვეულ ზიანზე ან ნებისმიერ პოტენციურ ზიანზე პასუხისმგებელი მხოლოდ თქვენ ხართ.
- 14.1.6. თქვენ გაეცანით და დაეთანხმეთ ამ **პირობებს** (მათ შორის, ყველა დანართსა და დოკუმენტს, რომლებიც აქ არის მითითებული) და აღიარებთ, რომ მომსახურებები უზრუნველყოფილია და გამოიყენება ამ პირობების შესაბამისად, რომლებიც დროდადრო შეიძლება შეიცვალოს;
- 14.1.7. თქვენ ადასტურებთ, რომ მიიღეთ, წაიკითხეთ და გაიგეთ რისკების გამჟღავნების დოკუმენტი, რომელიც ამ პირობების განუყოფელი ნაწილია და აცნობიერებთ რისკებს, რომლებიც დაკავშირებულია **ციფრულ აქტივებთან** და **კრიპტო-მოდულის** გამოყენებასთან;
- 14.1.8. თქვენ ხართ პასუხისმგებელი ნებისმიერ გადასახადზე, ბაჟზე ან სხვა სამართლებრივ ვალდებულებაზე, რომელიც შეიძლება წარმოიშვას **კრიპტო-მოდულის** გამოყენებასთან დაკავშირებით, მათ შორის **ვირტუალური აქტივების** შეძენა, შენახვა, გადაცემა ან განკარგვა.



- 14.2. ზემოაღნიშნული გარანტიები და განცხადებები ჩაითვლება განმეორებულად ყოველ ჯერზე, როცა თქვენ იყენებთ **კრიპტო-მოდულს** და ამ **პირობების** მოქმედების განმავლობაში.
- 14.3. მხოლოდ თქვენ იქნებით პასუხისმგებელი იმ უფლებებისა და პირობების ცოდნაზე, რომლებიც ვრცელდება **კრიპტო-მოდულის** მეშვეობით შექმნილ, გაყიდულ და შენახულ ყველა **ციფრულ აქტივზე**, მათ შორის ნებისმიერ მოვლენაზე ან ცვლილებაზე, რომელიც გავლენას ახდენს ასეთ **ციფრულ აქტივებზე** (მათ შორის, ფორკები (forks), პროტოკოლის განახლებები, მიგრაციები, სახელის ცვლილებები, **სიიდან ამოღება**, ვაჭრობის შეჩერება ან სხვა მსგავსი მოვლენები). გარკვეულ **ციფრულ აქტივებზე**, შესაძლოა, ვრცელდებოდეს შეზღუდვები, ცვლილებები ან მოვლენები, რომლებიც, შესაძლოა, მოითხოვდეს თქვენ მიერ კონკრეტული ქმედებების შესრულებას გარკვეულ ვადებში. თქვენ ხართ პასუხისმგებელი ამგვარ **ციფრულ აქტივებთან** დაკავშირებული ნებისმიერი მოქმედი ვადისა და შედეგების მონიტორინგზე. **ბანკს** შეუძლია, მაგრამ არანაირად არ არის ვალდებული, გაცნობოთ ნებისმიერი ასეთი მოვლენის შესახებ. ეჭვის თავიდან ასაცილებლად, **ბანკი** არ არის ვალდებული, მიიღოს რაიმე ზომები ასეთ მოვლენებთან დაკავშირებით და არ არის პასუხისმგებელი ზარალზე, თუ არ მიიღებს მათ.

15. სრულად ან ნაწილობრივ შეჩერება ან შეწყვეტა

- 15.1. წინამდებარე **პირობები** ძალაში შედის თქვენ მიერ მათი მიღების მომენტიდან და ძალაში რჩება **ბანკის** ან თქვენ მიერ წინამდებარე **პირობების** შესაბამისად შეწყვეტამდე.
- 15.2. **კრიპტო-მოდულზე** ან/და თქვენს **ანგარიშზე** წვდომა შეიძლება შეჩერდეს, შეიზღუდოს ან შეწყდეს, მთლიანად ან ნაწილობრივ, ნებისმიერ დროს თქვენ მიერ ან **ბანკის** მიერ ამ **პირობების** შესაბამისად. ეჭვის თავიდან ასაცილებლად, **მობილური ბანკის** ფარგლებში **კრიპტო-მოდულის** ხელმისაწვდომობა ან ხილვადობა თავისთავად არ ადასტურებს, რომ თქვენ აქტიური **ანგარიში** გაქვთ. **ანგარიშის** მოქმედება შეიძლება შეჩერდეს, შეიზღუდოს ან შეწყდეს მაშინაც კი, თუ **კრიპტო-მოდული მობილურ ბანკში** ხილვადი რჩება.
- 15.3. **კრიპტო-მოდული** ხელმისაწვდომია მხოლოდ **მობილური ბანკის** იმ აქტიური მომხმარებლებისთვის, რომლებსაც აქვთ აქტიური **საბანკო ანგარიში**. შესაბამისად, **მობილ ბანკზე** თქვენი წვდომის შეჩერება, შეზღუდვა ან შეწყვეტა (ნებისმიერი მიზეზით) ან **საბანკო ანგარიშის** შეჩერება, შეზღუდვა ან შეწყვეტა ავტომატურად გამოიწვევს **კრიპტო-მოდულზე** ან/და **ანგარიშზე** თქვენი წვდომის შესაბამის შეჩერებას, შეზღუდვას ან შეწყვეტას.
- 15.4. **ბანკს** შეუძლია, ნებისმიერ დროს და საკუთარი შეხედულებისამებრ, შეზღუდოს, შეაჩეროს, გაყინოს ან შეწყვიტოს თქვენი წვდომა **კრიპტო-მოდულზე** ან/და



ანგარიშზე (კონკრეტული ფუნქციების ჩათვლით), დაუყოვნებლივ და წინასწარი შეტყობინების გარეშე, თუ **ბანკი** გონივრულად ჩათვლის, რომ ასეთი ქმედება აუცილებელია ან მიზანშეწონილია, მათ შორის, თუ:

- 15.4.1. აუცილებელია **კრიპტო-მოდულის, ანგარიშის, მობილური ბანკის ან ბანკის** სისტემების უსაფრთხოების, მთლიანობის ან სათანადო ფუნქციონირების დაცვა;
- 15.4.2. თქვენ არღვევთ ამ პირობებს, უსაფრთხოების მოქმედ მოთხოვნებს ან **ბანკთან** სხვა მოქმედ შეთანხმებას **მობილური ბანკის** გამოყენებასთან დაკავშირებით;
- 15.4.3. არსებობს ეჭვი, რომ რომელიმე ტრანზაქცია ან საქმიანობა არის არავტორიზებული, თაღლითური, საეჭვო, შეურაცხმყოფელი ან დაკავშირებულია ფულის გათეთრებასთან, ტერორიზმის დაფინანსებასთან ან სხვა უკანონო საქმიანობასთან;
- 15.4.4. **ბანკი** შეიტყობს, ან გონივრულად ეჭვობს, რომ **ანგარიშზე** ჩარიცხული **ციფრული აქტივები** დაკავშირებულია დანაშაულებრივ შემოსავალთან ან არ არის თქვენი კანონიერი საკუთრება;
- 15.4.5. **ბანკი** ვერ ახერხებს თქვენი ვინაობის, უფლებამოსილების, ინსტრუქციების ან თქვენ მიერ მოწოდებული ნებისმიერი ინფორმაციის გადამოწმებას ან ავტორიზაციას;
- 15.4.6. **ბანკი** გონივრულად მიიჩნევს, რომ თქვენმა ქმედებებმა შეიძლება თქვენ, **ბანკს** ან სხვა **კლიენტებს** წარმოუშვას სამართლებრივი, მარეგულირებელი, ფინანსური ან რეპუტაციული რისკი;
- 15.4.7. **ბანკი** გადაწყვეტს **კრიპტო-მოდულის** ან მისი რომელიმე ნაწილის შეწყვეტას, შეჩერებას ან არსებითად შეცვლას;
- 15.4.8. **ბანკს** ევალუება ან მიეცემა მითითება, მოქმედი კანონმდებლობის შესაბამისად, განახორციელოს ასეთი ქმედება, სასამართლოს ბრძანებით ან კომპეტენტური სამთავრობო ან მარეგულირებელი ორგანოს მიერ (მათ შორის, საქართველოს ეროვნული ბანკის ან/და საქართველოს ფინანსური მონიტორინგის სამსახურის მიერ);
- 15.4.9. თქვენ ხართ „შეზღუდული პირი“, ვერ აკმაყოფილებთ დასაშვებობის კრიტერიუმებს ან სხვაგვარად ხდებით შეუსაბამო წინამდებარე **პირობების** მიხედვით;
- 15.4.10. **ბანკი** საჭიროდ ჩათვლის **მომსახურებების** შეჩერებას, შეზღუდვას ან შეწყვეტას (სრულად ან ნაწილობრივ) სისტემის ტექნიკური მომსახურების, განახლებების, ტესტირების, უსაფრთხოების პაჩების ან სხვა ოპერაციული მიზნებისთვის, მათ შორის, როცა ასეთი ტექნიკური **მომსახურება** ხორციელდება **ბანკის** ან ნებისმიერი **მომსახურების მიმწოდებელი მესამე მხარის** მიერ;



- 15.4.11. თქვენ არღვევთ **ბანკის** ან ნებისმიერი მესამე პირის ინტელექტუალური საკუთრების უფლებებს, ან ცდილობთ **ბანკის** მობილური აპლიკაციის ან **კრიპტო-მოდულის** უსაფრთხოების ზომების ბოროტად გამოყენებას, მანიპულირებას, უკუპროექტირებას, დაზიანებას ან გვერდის ავლას; ან/და
- 15.4.12. არსებობს საბაზრო დესტაბილიზაციის შემთხვევა, ლიკვიდურობის შეფერხება, ვაჭრობის შეჩერება ან სხვა საბაზრო მდგომარეობა, რომელიც ამართლებს ასეთ ქმედებას **ბანკის** გონივრული მოსაზრებით.
- 15.5. მოქმედი კანონმდებლობით დაშვებულ მაქსიმალურ ფარგლებში, **ბანკი** არ არის ვალდებული, გაამუდავოს **ანგარიშის**, **კრიპტო-მოდულის** ან მასთან დაკავშირებული ნებისმიერი ფუნქციის შეჩერების, შეზღუდვის, გაყინვის ან შეწყვეტის საფუძველი ან მიზეზი.
- 15.6. თქვენ შეგიძლიათ შეწყვიტოთ წინამდებარე **პირობები** და მოითხოვოთ **ანგარიშის** დახურვა ნებისმიერ დროს, იმ პირობით, რომ შეწყვეტამდე:
- 15.6.1. ყველა მომლოდინე ან დაუსრულებელი ტრანზაქცია სათანადოდ შესრულებული ან გაუქმებულია (საჭიროებისამებრ); და
- 15.6.2. **ანგარიშზე** არ არის დარჩენილი ჩარიცხული **ციფრული აქტივები**.
- 15.7. თუ **ციფრული აქტივები** კვლავ ჩარიცხება ანგარიშზე, თქვენ აცნობიერებთ, რომ შეწყვეტა და **ანგარიშის** დახურვა ვერ დამუშავდება, სანამ არ გაყიდით ყველა ასეთ **ციფრულ აქტივს** და შესაბამისი გაყიდვის ტრანზაქციები არ დასრულდება.
- 15.8. **კრიპტო-მოდულზე** ან/და **ანგარიშზე** თქვენი წვდომის შეჩერების ან შეწყვეტის შემდეგ:
- 15.8.1. **ბანკს** შეუძლია მიიღოს გონივრულად საჭირო ზომები შესაბამისობის შემოწმების, გამოძიების, შეჭერებისა და ანგარიშსწორების პროცესის დასასრულებლად, ან თქვენი, **ბანკისა** და/ან მესამე პირების დასაცავად; და
- 15.8.2. **ბანკს** შეუძლია შეინარჩუნოს თქვენი **ციფრული აქტივების**, თანხებისა და შესაბამისი მონაცემების/ინფორმაციის მფლობელობა იმდენ ხანს, რამდენიც მოითხოვება მოქმედი კანონმდებლობით, მარეგულირებელი მოთხოვნებით, შიდა პოლიტიკით, გამოძიებებით ან საოპერაციო აუცილებლობით.
- 15.9. **ბანკს** შეუძლია შეწყვიტოს წინამდებარე პირობები ნებისმიერ დროს, ყოველგვარი მიზეზის მითითების გარეშე, თქვენთვის მინიმუმ ოცდაათი (30) კალენდარული დღით ადრე შეტყობინების გაგზავნით.
- 15.10. თუ მოქმედი კანონმდებლობით სხვა რამ არ არის გათვალისწინებული, არც **ბანკი** და არც მისი სახელით მოქმედი რომელიმე მესამე პირი არ იქნება პასუხისმგებელი თქვენ წინაშე რაიმე ზარალზე ან/და ზიანზე, რომელიც წარმოიშობა ან დაკავშირებულია **ანგარიშის** შეჩერებასთან, შეზღუდვასთან, გაყინვასთან ან შეწყვეტასთან, ან **კრიპტო-მოდულზე** წვდომასთან, რომელიც განხორციელდა წინამდებარე **პირობების** შესაბამისად, მათ შორის, ნებისმიერ ზარალზე, რომელიც გამოწვეულია შეფერხებებით, გადაცემის შეცდომებით,



ტექნიკური ხარვეზებით, დეფექტებით, გაუმართაობით, ტექნიკური მომსახურებით, სისტემის შეფერხებებით, ან საკომუნიკაციო ქსელებში ან მოწყობილობებში უკანონო შეჭრით ან ჩარევით, მოქმედი კანონმდებლობით დაშვებულ მაქსიმალურ ფარგლებში.

- 15.11. **კრიპტო-მოდულზე** ან/და **ანგარიშზე** თქვენი წვდომის შეწყვეტა ან შეჩერება წინამდებარე **პირობების** შესაბამისად არ შეწყვეტს და არ იმოქმედებს თქვენსა და **ბანკს** შორის სხვა **საბანკო** პროდუქტებთან ან **მომსახურებებთან** დაკავშირებულ სხვა შეთანხმებებზე, რომლებიც ძალაში დარჩება მათი შესაბამისი პირობების თანახმად.

16. კონფიდენციალურობა და ინფორმაციის გამჟღავნება

- 16.1. არცერთმა მხარემ არ უნდა გაამჟღავნოს მეორე მხარის ბიზნესთან, ტრანზაქციებთან, ფინანსებთან ან სხვა საკითხებთან დაკავშირებული კონფიდენციალური ხასიათის ინფორმაცია, რომელსაც ის ამ **პირობების** შესრულების პროცესში შეიძლება ფლობდეს, და თითოეულმა მხარემ უნდა გამოიყენოს ყველა გონივრული ძალისხმევა, რათა თავიდან აიცილოს ნებისმიერი ასეთი გამჟღავნება. აღნიშნული არ ვრცელდება იმ შემთხვევებზე, როცა ინფორმაციის გამჟღავნება მოითხოვება მოქმედი კანონმდებლობით, კომპეტენტური სასამართლოს, საკანონმდებლო, საზედამხედველო ან მარეგულირებელი ორგანოს მიერ, ან ნებისმიერი სხვა პირის მიერ, რომელიც უფლებამოსილია მოითხოვოს ინფორმაციის გამჟღავნება მოქმედი კანონმდებლობის შესაბამისად, ან როცა ინფორმაციის ასეთი გამჟღავნება აუცილებელია **ბანკის** მიერ წინამდებარე პირობებით გათვალისწინებული ვალდებულებების სათანადოდ შესასრულებლად და **კრიპტო-მოდულის** მეშვეობით **მომსახურებების** უზრუნველსაყოფად.

- 16.2. თქვენ უფლებას აძლევთ **ბანკს**, გაამჟღავნოს თქვენთან დაკავშირებული ინფორმაცია (მათ შორის, მესამე პირისთვის ან **საფულის პროვაიდერისთვის**), როგორც ამას მოითხოვს ნებისმიერი მოქმედი კანონი, წესი, მარეგულირებელი მოთხოვნა ან ნებისმიერი კომპეტენტური ორგანოს მოთხოვნა, მათ შორის, AML/CFT-სთან დაკავშირებით, სანქციების დაცვასთან და ნებისმიერ მოქმედ შიდა პოლიტიკასთან დაკავშირებით, თქვენთვის წინასწარი შეტყობინების გარეშე, მოქმედი კანონმდებლობით დაშვებულ ფარგლებში.

- 16.3. თქვენ უფლებას აძლევთ **ბანკს**, გადასცეს ან/და გაამჟღავნოს თქვენი პერსონალური ინფორმაცია, რომელიც წარდგენილია ან შეგროვებულია **ბანკის** მიერ **კრიპტო-მოდულთან** დაკავშირებით, **ბანკის** შვილობილ კომპანიებზე, კონტრაქტორებზე, აგენტებსა და **მომსახურების მიმწოდებელ მესამე მხარეზე** (მათ შორის, საჭიროების შემთხვევაში, მესამე მხარის ვირტუალური აქტივების



მომსახურების მიმწოდებლები, მეურვეები, ტექნოლოგიების მიმწოდებლები, გადამწმენების მიმწოდებლები და **ბანკის** მიერ ჩართული სხვა კონტრაქტები), როგორც ეს შეიძლება საჭირო იყოს, შემდეგ შემთხვევებში:

16.3.1. წინამდებარე **პირობებით** გათვალისწინებული **მომსახურებების** მიწოდება და შესრულება და **კრიპტო-მოდულის** ოპერირება;

16.3.2. სამართლებრივი, მარეგულირებელი, ანგარიშგების, აუდიტისა და რისკების მართვის მოთხოვნებთან შესაბამისობისთვის;

16.3.3. უსაფრთხოების, თაღლითობის პრევენციის, კლიენტის ვერიფიკაციისა და კომპლექსური შემოწმების მიზნებისთვის; და

16.3.4. **კლიენტებთან** ურთიერთობის მართვისა და **მომსახურებასთან** დაკავშირებული კომუნიკაციისათვის.

16.4. **ბანკს** ასევე შეუძლია გაუზიაროს ასეთი პერსონალური ინფორმაცია **ბანკის** სახელით მოქმედ მესამე პირებს **კლიენტის** ვერიფიკაციის, ანალიტიკური მიზნებისა და **ბანკის** შესაბამისობისა და საოპერაციო პროცესების მხარდასაჭერად.

16.5. თქვენი პერსონალური ინფორმაცია შეინახება არაუმეტეს იმ დროისა, რაც საჭიროა წინამდებარე **პირობებით** განსაზღვრული მიზნების შესასრულებლად და მოქმედი კანონმდებლობით გათვალისწინებული მოთხოვნების დასაკმაყოფილებლად. თქვენ გაქვთ უფლება, მოითხოვოთ ასეთი პერსონალური ინფორმაციის შესწორება, დამატება, წაშლა ან დაბლოკვა, თუ ის არაზუსტი, არასრული ან უკანონოდ დამუშავებულია, მონაცემთა დაცვის მოქმედი კანონმდებლობის შესაბამისად. გარკვეულ გარემოებებში, თქვენ ასევე შეგიძლიათ გქონდეთ უფლება, გააპროტესტოთ ასეთი პერსონალური მონაცემების დამუშავება და მოიძიოთ სხვა სამართლებრივი საშუალებები, რომლებიც ხელმისაწვდომია ასეთი პერსონალური ინფორმაციის დამუშავებასთან დაკავშირებით, მოქმედი კანონმდებლობის შესაბამისად.

17. საერთაშორისო სანქციები

17.1. **კლიენტი** აცხადებს და თანახმაა, რომ:

17.1.1. **კლიენტს** ან/და მასთან დაკავშირებულ პირ(ებ)ს (ამ პუნქტის მიზნებისათვის, ეს მოიცავს, სხვა პირებთან ერთად, ნებისმიერ პირს, რომელსაც **ბანკის** შეფასებით, შეუძლია გავლენა მოახდინოს **კლიენტზე** ან **კლიენტის** ქმედებებზე, იქნება ეს პირდაპირი თუ არაპირდაპირი გზით, და რომელიც ფლობს ან/და აკონტროლებს შესაბამის პირს) შეიძლება ჰქონდეს მჭიდრო სამუშაო, ურთიერთობრივი ან სხვა სახის კავშირები ნებისმიერ დროს წინამდებარე **პირობების** მოქმედების პერიოდში.



- 17.1.2. არ არიან და არ იქნებიან გაეროს, ევროკავშირის, გაერთიანებული სამეფოს, ამერიკის შეერთებული შტატების, საქართველოს ან ნებისმიერი სხვა ქვეყნის ან საერთაშორისო ორგანიზაციის („**უფლებამოსილი პირები**“) სანქცირებული პირების სიაში („**სანქცირებული პირების სია**“) და მათ მიმართ არ იქნება დაწესებული სანქციები. ამ პუნქტის მიზნებისათვის, „სანქციები“ მოიცავს, სხვა საკითხებთან ერთად, კონკრეტულ შებლუდვებს, პოლიტიკას, აკრძალვებსა და **უფლებამოსილი პირების** მიერ გამოცემულ სხვა დირექტივებს.
- 17.1.3. არ არიან და არ იქნებიან რომელიმე იმ ქვეყნის რეზიდენტები, რომლებიც ექვემდებარებიან სრულ სავაჭრო სანქციებს ან შებლუდვებს, რომლებიც დაწესებულია **უფლებამოსილი პირების** მიერ.
- 17.1.4. პირდაპირ ან/და არაპირდაპირ, მათ შორის, მაგრამ არა მხოლოდ, მესამე პირების მეშვეობით მოქმედებით, არ დადეს და არ დადებენ რაიმე შეთანხმებას (მათ შორის, ხელს არ შეუწყობენ ასეთი შეთანხმების დადებას) ნებისმიერ პირთან ან სუბიექტთან, რომელიც მითითებულია **სანქცირებული პირების სიაში**, რომელიც ექვემდებარება სანქციებს, ან რომელიც არის იმ ქვეყნის რეზიდენტი, რომელიც ექვემდებარება სრულ სავაჭრო სანქციებს ან შებლუდვებს.
- 17.1.5. პირდაპირ და/ან არაპირდაპირ, მათ შორის, მაგრამ არ შემოიფარგლება მესამე პირების მეშვეობით მოქმედებით, არ დადეს და არ დადებენ რაიმე შეთანხმებას (მათ შორის, ხელს არ შეუწყობენ ასეთი შეთანხმების დადებას) იმ მხარესთან ან იმ აქტივთან/საქმიანობასთან/პროდუქტთან/მომსახურებასთან დაკავშირებით, რომელიც ექვემდებარება სრულ და/ან მიზნობრივ და/ან დარგობრივ სანქციებს/შებლუდვებს.
- 17.2. იმ შემთხვევაში, თუ წინამდებარე პირობების 17.1 პუნქტის შესაბამისად გაკეთებული განცხადება წარმოადგენს სანქციების დარღვევას ან სანქციების გვერდის ავლას, ან/და **ბანკის** შეფასების მიხედვით არსებობს რისკი, რომ **კლიენტს** ან/და მასთან დაკავშირებულ პირებს დაეკისრებათ სანქციები, ან/და ასეთი სანქციები რეალურად იქნება დაწესებული, **ბანკი** უფლებამოსილი იქნება იმოქმედოს 17.1 პუნქტში აღნიშნული **უფლებამოსილი პირების** მიერ დაწესებული სანქციების შესაბამისად ან/და იმოქმედოს უფლებამოსილი პირებისა ან/და ორგანიზაციების მიერ გამოცემული დირექტივების შესაბამისად ან/და შეასრულოს ნებისმიერი საჭირო ქმედება. სხვა საკითხებთან ერთად, **ბანკს** აქვს უფლებამოსილება, ხელი შეუშალოს **კლიენტს** ნებისმიერი ფულადი სახსრების ან აქტივების მართვაში ან/და განაწილებაში.



18. კლიენტის პერსონალური მონაცემები

18.1. თქვენ აცნობიერებთ და ეთანხმებით, რომ:

18.1.1. **ბანკი** შეაგროვებს, გამოიყენებს, დაამუშავებს, შეინახავს და გაამჟღავნებს თქვენს პერსონალურ ინფორმაციას (გარდა სპეციალური კატეგორიის პერსონალური მონაცემებისა), მათ შორის, პერსონალურ ინფორმაციას, რომელიც თქვენ მიუთითეთ **კრიპტო-მოდულზე** წვდომისა და რეგისტრაციისას ან/და **მობილური ბანკის** გამოყენებისას (მათ შორის, შეზღუდვის გარეშე, საიდენტიფიკაციო ინფორმაციას (სახელი და გვარი, დაბადების თარიღი, პირადი ნომერი, მისამართი, მოქალაქეობა, საცხოვრებელი ადგილი, სქესი, ფოტოსურათი, ტელეფონის ნომერი), საგადასახადო საიდენტიფიკაციო მონაცემებს (ასეთის არსებობის შემთხვევაში), FATCA სტატუსს (ასეთის არსებობის შემთხვევაში), პოლიტიკურად აქტიური პირის (PEP) სტატუსს, დასაქმების ინფორმაციას (სტატუსი, სექტორი, დამსაქმებელი, თანამდებობა) და ფინანსურ ინფორმაციას (მათ შორის, საშუალო წლიური შემოსავალი და შემოსავლის წყარო)), **კრიპტო-მოდულის** მეშვეობით **მომსახურების** გაწევის, მოქმედ სამართლებრივ და მარეგულირებელ ვალდებულებებთან შესაბამისობის და გადაცდომის, თაღლითობისა და უნებართვო საქმიანობის პრევენციის, გამოვლენისა და გამოძიების მიზნებისთვის (სხვა საკითხებთან ერთად). პერსონალური მონაცემების დეტალური სია შეიძლება განისაზღვროს შესაბამის დანართში ან/და **ბანკის** მოქმედ კონფიდენციალურობის დოკუმენტაციაში.

18.1.2. **კრიპტო-მოდულზე** თქვენი წვდომის უზრუნველყოფისა და **კრიპტო-მოდულის** მეშვეობით **მომსახურების** გაწევის მიზნით (მათ შორის, კლიენტის იდენტიფიკაცია და ვერიფიკაცია, ტრანზაქციების დამუშავება, შენახვა/მეურვეობა, შესაბამისობის შემოწმება და რისკების მონიტორინგი), **ბანკს** შეუძლია გადასცეს თქვენი პერსონალური ინფორმაცია (მათ შორის, შეზღუდვის გარეშე, 18.1.1 პუნქტში მითითებული ინფორმაცია) **ბანკის მომსახურების მიმწოდებელ მესამე მხარეს**, რომლებიც ჩართული არიან **კრიპტო-მოდულის** ოპერირებაში (მათ შორის, საჭიროების შემთხვევაში, **ვირტუალური აქტივების** მომსახურების მიმწოდებლებს, მეურვეებს, შესრულების პროვაიდერებს, ვერიფიკაციის პროვაიდერებს, შესაბამისობის მიმწოდებლებს და სხვა შესაბამის კონტრაქტორებს). თქვენ აცნობიერებთ, რომ თუ მომსახურების გასაწევად აუცილებელია მონაცემების ასეთი გადაცემა, თანხმობის გამოხმობამ (საჭიროების შემთხვევაში) შეიძლება გამოიწვიოს **ბანკის** უფლება, შეწყვიტოს თქვენთვის **კრიპტო-მოდულის** მომსახურების მიწოდება და შეზღუდოს ან შეწყვიტოს თქვენი წვდომა **კრიპტო-მოდულზე**.

18.1.3. წინამდებარე **პირობების** შესაბამისად, თქვენთვის **მომსახურების** შეთავაზებისა და/ან მიწოდების მიზნით, **ბანკს** შეუძლია შეაგროვოს,



გამოიყენოს, დაამუშაოს, შეინახოს და გაუმჟღავნოს თავის შვილობილ კომპანიებს და/ან შესაბამის მესამე მხარის მომსახურების მიმწოდებლებს თქვენი ყველა პერსონალური ინფორმაცია (გარდა სპეციალური კატეგორიის პერსონალური მონაცემებისა), მათ შორის თქვენ მიერ მითითებული პერსონალური ინფორმაცია (მათ შორის, შეზღუდვის გარეშე, 18.1.1 პუნქტში მითითებული ინფორმაცია).

18.1.4. **კრიპტო-მოდულის** მეშვეობით თქვენთვის **მომსახურების** გაწევის, საოპერაციო უწყვეტობის შენარჩუნების, უსაფრთხოების უზრუნველყოფისა და/ან **კრიპტო-მოდულთან** დაკავშირებული გამჭობრებებისა და შესაძლებლობების შესწავლის მიზნით, **ბანკს** შეუძლია გადასცეს თავის შვილობილ კომპანიებს და/ან **მომსახურების მიმწოდებელ მესამე მხარეს** ყველა ინფორმაცია თქვენ შესახებ, მათ შორის, თქვენი პერსონალური მონაცემები (მათ შორის, შეზღუდვის გარეშე, 18.1.1 პუნქტში მითითებული ინფორმაცია), ამ მიზნებისთვის საჭირო მოცულობით და მოქმედი კანონმდებლობის შესაბამისად.

18.2. თქვენ ადასტურებთ, რომ თქვენ წაიკითხეთ და გაეცანით **ბანკის** მოქმედ კონფიდენციალურობის პოლიტიკას და მონაცემთა დამუშავების პირობებს, რომლებიც ხელმისაწვდომია **მობილური ბანკის** ან/და **ბანკის** ოფიციალური არხების მეშვეობით და რომლებიც, შესაძლოა, დროდადრო განახლდეს.

19. შესწორებები

19.1. **ბანკი** უფლებამოსილია წინასწარი შეტყობინების გარეშე შეიტანოს ამ **პირობებში** ცვლილებები, რომლებიც თქვენთვის ხელსაყრელი ან ნეიტრალური იქნება.

19.2. ცვლილებები, რომლებიც არ არის თქვენი სასარგებლო, შეიძლება განხორციელდეს ნებისმიერ დროს, თუ თქვენ მინიმუმ 30 (ოცდაათი) კალენდარული დღით ადრე შეგატყობინებენ. **ბანკი** ამგვარ შეტყობინებას მოგაწვდით **მომსახურების** შეტყობინებების საშუალებით. ჩაითვლება, რომ თქვენ დაეთანხმეთ ამ ცვლილებებს, თუ შემოთავაზებულ ძალაში შესვლის თარიღამდე **ბანკს** არ შეატყობინებთ, რომ არ ეთანხმებით მათ. თუ ცვლილებებს არ დაეთანხმებით, **ბანკს** შეუძლია შეაჩეროს ან/და შეწყვიტოს თქვენი წვდომა **კრიპტო-მოდულზე** და, გონივრულ ფარგლებში, რაც შეიძლება მალე დახუროს **ანგარიში** (შესაბამის შემთხვევებში, ნებისმიერი დარჩენილი ვალდებულების შესრულებისა და მიმდინარე ტრანზაქციების ანგარიშსწორების შემდეგ). წინამდებარე **პირობების** ნებისმიერი შესწორებული ვერსია ჩაანაცვლებს ყველა წინა ვერსიას და თქვენ უნდა გაეცნოთ და გაითვალისწინოთ **მობილური ბანკისა** და/ან **ბანკის** ოფიციალური არხების მეშვეობით ხელმისაწვდომი უახლესი ვერსია.



- 19.3. მიუხედავად ამ პუნქტისა, თუ შესწორება საჭიროა მოქმედი კანონმდებლობის, რეგულაციის, მარეგულირებელი მითითებების ან კომპეტენტური ორგანოს სავალდებულო მოთხოვნის ცვლილების გამო და ამგვარი ცვლილების დრო გონივრულად არ აძლევს **ბანკს** საშუალებას, წინასწარ გაგზავნოს შეტყობინება ოცდაათი (30) კალენდარული დღით ადრე, **ბანკს** შეუძლია განახორციელოს შესწორება უფრო მოკლე შეტყობინებით (ან, საჭიროების შემთხვევაში, დაუყოვნებლივი ძალით) და გაცნობებთ **მომსახურების** შეტყობინებების მეშვეობით გონივრულ ვადაში მას შემდეგ, რაც **ბანკი** შეიტყობს ამგვარი ცვლილების შესახებ ან მას მოეთხოვება ამგვარი ცვლილების განხორციელება.
- 19.4. **ბანკს** შეუძლია შეცვალოს ნებისმიერი მოქმედი საკომისიო და გადასახადი წინასწარი შეტყობინების გარეშე და დაუყოვნებლივი ძალით, თუ ცვლილება თქვენს სასარგებლოდ არის, ან თუ ცვლილების საფუძველი წარმოიშობა ბანკის კონტროლს მიღმა არსებული გარე გარემოებების გამო, მათ შორის, თუ:
- 19.4.1. **მომსახურების მიმწოდებელი მესამე მხარის** (მათ შორის, შეზღუდვის გარეშე, მეურვეების, შესრულების პროვაიდერების, საგადახდო ინფრასტრუქტურის პროვაიდერების, **საფულის პროვაიდერების**, საბაზრო მონაცემების პროვაიდერების ან სხვა შესაბამისი კონტრაქტორების) მიერ დაწესებული საკომისიოები, მოსაკრებლები ან გადასახადები იცვლება და ვრცელდება თქვენზე; ან/და
- 19.4.2. **ბანკს** მოეთხოვება თავისი ხარჯებისა და ფასების სტრუქტურის შეცვლა მოქმედი კანონმდებლობის, რეგულაციების, მარეგულირებელი მოთხოვნების ან სავალდებულო ინსტრუქციების ცვლილებების გამო.

20. მარეგულირებელი სამართალი და დავების გადაწყვეტა

- 20.1. წინამდებარე **პირობები** და ნებისმიერი არასახელშეკრულებო ვალდებულება, რომელიც წარმოიშობა წინამდებარე პირობებიდან ან მათთან დაკავშირებით, რეგულირდება და განიმარტება საქართველოს კანონმდებლობის შესაბამისად, როგორც ერთადერთი და ექსკლუზიური მარეგულირებელი კანონი.
- 20.2. თითოეული მხარე შეუქცევადად თანხმდება, რომ საქართველოს სასამართლოებს ექნებათ ექსკლუზიური იურისდიქცია ნებისმიერი დავის ან პრეტენზიის (მათ შორის არასახელშეკრულებო დავების ან პრეტენზიების) მოსაგვარებლად, რომელიც წარმოიშობა წინამდებარე **პირობებიდან** ან მათთან დაკავშირებით, ან მათი **მომსახურების** საგნის ან ფორმირების შედეგად.
- 20.3. წინამდებარე პუნქტი ძალაში რჩება წინამდებარე **პირობების** ნებისმიერი შეწყვეტის შემდეგ.



21. სხვადასხვა

- 21.1. თუ ამ **პირობების** რომელიმე დებულება ნებისმიერ დროს იქნება ან გახდება უკანონო, ძალადაკარგული ან შეუსრულებადი ნებისმიერი იურისდიქციის კანონმდებლობის შესაბამისად, ამ პირობების დარჩენილი დებულებების კანონიერება, ძალა და აღსრულებადობა არანაირად არ შეიცვლება ამ იურისდიქციის კანონმდებლობის შესაბამისად.
- 21.2. თქვენ არ შეგიძლიათ გადასცეთ თქვენი უფლებებიან გადაანდოთ თქვენი ვალდებულებები წინამდებარე პირობების ფარგლებში, ხოლო **ბანკს** შეუძლია გადასცეს თავისი უფლებებიან გადაანდოს თავისი ვალდებულებები მომსახურების მიმწოდებელ მესამე მხარეს.
- 21.3. თქვენ დაუყოვნებლივ, მოთხოვნისთანავე ან **ბანკის** მიერ განსაზღვრულ დროს, უნდა წარმოადგინოთ **ბანკის** მიერ მოთხოვნილი ნებისმიერი დამატებითი ინფორმაცია ან/და დოკუმენტი. ამის შეუსრულებლობამ, შესაძლოა, თქვენი **ანგარიშის** შეჩერება ან შეწყვეტა გამოიწვიოს.
- 21.4. წინამდებარე **პირობებში** მოცემული უფლებები და საშუალებები არის კუმულაციური და არ გამორიცხავს კანონით გათვალისწინებულ უფლებებსა თუ საშუალებებს.
- 21.5. **ბანკის** მხრიდან კანონით ან წინამდებარე **პირობებით** გათვალისწინებული ნებისმიერი უფლების, უფლებამოსილების ან სამართლებრივი დაცვის საშუალების გამოყენების შეფერხებამ, გამორჩენამ ან ნაწილობრივმა თუ არასათანადო გამოყენებამ:
- 21.5.1. არ უნდა შეზღუდოს ან ხელი შეუშალოს ამ უფლების, უფლებამოსილების ან საშუალების შემდგომ ან სხვა გამოყენებას; ან
- 21.5.2. არ უნდა მოქმედებდეს, როგორც უარის თქმა ასეთ უფლებაზე, უფლებამოსილებაზე ან საშუალებაზე.
- 21.6. თქვენ შეძლებთ **ბანკთან** კომუნიკაციას ქართულ, ინგლისურ ან ნებისმიერ სხვა ენაზე, რომელსაც ბანკი დროდადრო შემოგთავაზებთ. **კრიპტო-მოდული** ხელმისაწვდომი იქნება ქართულ ან ინგლისურ ენებზე. ანგარიშის ამონაწერები, სავაჭრო დადასტურებები ან **მომსახურების მიმწოდებელი მესამე მხარის** მიერ კრიპტო-მოდულის მეშვეობით მოწოდებული სხვა ინფორმაცია იქნება მხოლოდ ინგლისურ ენაზე.
- 21.7. თუ რომელიმე საკითხი პირდაპირ არ რეგულირდება წინამდებარე **პირობებით**, ის რეგულირდება **ბანკსა** და თქვენ შორის დადებული **ხელშეკრულებით ფიზიკური პირის საბანკო ოპერაციების წარმოების შესახებ**. ეჭვის თავიდან ასაცილებლად, წინამდებარე პირობები არეგულირებს მხოლოდ თქვენს წვდომას და **კრიპტო-მოდულის** გამოყენებას და არ არეგულირებს **ბანკის** მიერ მოწოდებულ სხვა საბანკო პროდუქტებსა თუ მომსახურებებს, თუ აქ სხვა რამ არ არის მითითებული.



დანართი N1

ტრანზაქციის ლიმიტები
<p>ინდივიდუალური დავალებას ლიმიტები:</p> <ul style="list-style-type: none"> • ტრანზაქციის მინიმალური ღირებულებაა 1 აშშ დოლარი და მაქსიმალური ღირებულებაა 5000 აშშ დოლარი ყოველი ინდივიდუალური შეძენის ან გაყიდვის დავალებასთვის.
<p>დღიური ტრანზაქციის ლიმიტები:</p> <ul style="list-style-type: none"> • მაქსიმალური ჯამური ღირებულება 20,000 აშშ დოლარი ყველა შესყიდვის დავალებასთვის, რომელიც შესრულებულია ერთი კალენდარული დღის განმავლობაში; • მაქსიმალური ჯამური ღირებულება 20,000 აშშ დოლარი ყველა გაყიდვის დავალებასთვის, რომელიც შესრულებულია ერთი კალენდარული დღის განმავლობაში; <p><i>ამ მუხლის მიზნებისათვის, ერთი კალენდარული დღე ნიშნავს სრულ კალენდარულ დღეს, რომელიც იწყება 00:00-ზე (ჩათვლით) და მთავრდება 23:59-ზე (ჩათვლით) იმავე კალენდარულ დღეს.</i></p>
<p>ყოველკვირეული ტრანზაქციების ლიმიტები</p> <ul style="list-style-type: none"> • მაქსიმალური ჯამური ღირებულება 50,000 აშშ დოლარი ყველა შესყიდვის დავალებასთვის, რომელიც შესრულებულია ერთი კალენდარული კვირის განმავლობაში; • მაქსიმალური ჯამური ღირებულება 50,000 აშშ დოლარი ყველა გაყიდვის დავალებასთვის, რომელიც შესრულებულია ერთი კალენდარული კვირის განმავლობაში; <p><i>ამ მუხლის მიზნებისათვის, ერთი კალენდარული კვირა ნიშნავს პერიოდს, რომელიც იწყება ორშაბათს 00:00-ზე (ჩათვლით) და სრულდება იმავე კალენდარული კვირის კვირა დღეს 23:59-ზე (ჩათვლით).</i></p>
<p>ტრანზაქციების ყოველთვიური ლიმიტები</p> <ul style="list-style-type: none"> • მაქსიმალური ჯამური ღირებულება 100,000 აშშ დოლარი ყველა შესყიდვის დავალებასთვის, რომელიც შესრულებულია ერთი კალენდარული თვის განმავლობაში; • მაქსიმალური ჯამური ღირებულება 100,000 აშშ დოლარი ყველა გაყიდვის დავალებასთვის, რომელიც შესრულებულია ერთი კალენდარული თვის განმავლობაში <p><i>ამ მუხლის მიზნებისათვის, ერთი კალენდარული თვე ნიშნავს პერიოდს, რომელიც იწყება 00:00-ზე (ჩათვლით) შესაბამისი თვის პირველ კალენდარულ დღეს და სრულდება 23:59-ზე (ჩათვლით) იმავე თვის ბოლო კალენდარულ დღეს.</i></p>

ტრანზაქციის საკომისიო
<p>ტრანზაქციის საკომისიო შეადგენს თითოეული ყიდვის ან გაყიდვის ტრანზაქციის მთლიანი ღირებულების 1,5%-ს.</p>



თქვენ აცნობიერებთ და ეთანხმებით, რომ:

- ვირტუალური აქტივები ძალიან ცვალებადია და, შესაძლოა, მთლიანად ან არსებითად მთლიანად დაკარგონ ღირებულება;
- ტრანზაქციები ვირტუალურ აქტივებში, როგორც წესი, შეუქცევადია;
- ვირტუალური აქტივები არ არის განსაზღვრული, როგორც გადახდის კანონიერი საშუალება და არ არის უზრუნველყოფილი რომელიმე სახელმწიფო ორგანოს მიერ;
- ვირტუალური აქტივების მარეგულირებელი, სამართლებრივი და საგადასახადო რეჟიმი შეიძლება შეიცვალოს ნებისმიერ დროს;
- შესაძლებელია დადგეს ტექნოლოგიური რისკები, მათ შორის, კიბერ-შეტევები, სისტემის გაუმართაობა, ბლოკჩეინის შეფერხებები და მესამე მხარის გაუმართაობა.

კრიპტო-ვალუტასთან დაკავშირებული მომსახურებების გამოყენების შედეგად ზარალის რისკი შეიძლება იყოს მნიშვნელოვანი. თქვენ ყურადღებით უნდა განიხილოთ, არის თუ არა ვირტუალური აქტივების შეძენა, გაყიდვა ან შენახვა თქვენთვის შესაფერისი.